

ANGALLANNEQ PILLUGU PILERSAARUT

*Immikkoortoq 1: Aqquserngit
aamma aqqusineeqqat, Nuuk*



NUUMMI ANGALLANNERMUT PILERSAARUT
Immikkoortumut pilersaarut

Kommuneqarfik Sermersuumit 2020-mi suliarineqarpoq

Najoqqutassiisoq nalunaarsuisorlu

Illoqarfimmik inerisaaneq, Kommuneqarfik Sermersooq

Viatrafik, *"Kommuneqarfik Sermersuumi*

Aqquserngit aqqusineeqqallu pillugit immikkoortumut pilersaarut", 2020

Nutsernera

Kommuneqarfik Sermersuumi Nutserisoqarfik

Assit

Illoqarfimmik inerisaaneq, Kommuneqarfik Sermersooq

Viatrafik, *"Kommuneqarfik Sermersooq,*

Aqquserngit aqqusineeqqallu pillugit immikkoortumut pilersaarut", 2020

Siammarterneqarnissaanut tunngatillugu saaffiginniffissaq

Kommuneqarfik Sermersooq

Illoqarfimmik inerisaanermut immikkoortortaqarfik

Sanarfinermut Avatangiisinullu Ingerlatsivik

Postboks 1005

3900 Nuuk

E: plan@sermersooq.gl



IMMIKKOORTOQ 1: AQQUSERNGIT AAMMA AQQUSINEEQQAT, NUUK

IMARISAI

06 Aallarniut aamma siunertaq

- 08 Sammisanut sumiiffinnullu agguataarineq
- 09 Maannakkut suliat pilersaarutillu
- 10 Suliat pilersaarutillu siulliit killiffiat

12 Nunarsuarmi Anguniagaq

- 15 Nassuiaat paasissutissallu tunngavigineqartut
- 16 Angallanermik sukkassutsimillu nakkutilliineq
- 18 Nuummi ajutoornerit
- 22 Pisuinnaat cykkilertullu atugarisaat

Annertusisamik nalunaarsuineq

- 26 L // aqqusineq
- 34 M // sumiiffik
- 42 S // immikkoortoq
issiavimmut siunnersuut

51 Atortussanut allattorsimaffik aaqqiissutaasinnaasullu

- 53 Tigussaasumik iliuuseqarnissat
- 54 Kaajallattarfinnut tunngatillugu tunngaviit nalinginnaasut
- 55 Nalinginnaasumik periuuserineqartut - Aqquserngit aqqusineeqqallu
- 56 Suliniutinut allanut nalinginnaasumik tunngaviit

58 Sumiiffinnut aalajangersimasunut aaqqiissutissatut siunnersuutit

66 Pilersaarusionerq

Pingaarnersiukkanut allattorsimaffik

- 1 - Aaqqiissutissami suliniutip aningaasatigut missingersuutai
- 2 - Pingaarnersiukkanut allattorsimaffik

Aallarniut aamma siunertaq

Immikkoortumut pilersaarutini suliat kommunimut ingerlalluartumut tunngaviupput. Taamaammat Kommuneqarfik Sermersooq Periusissatut pilersaarutip 2015-ip akuersissutigineqarneratali kingorna immikkoortunut pilersaarutit ukkatarisimavai. Ingerlatsiviit ataasiakkaat suliaasaqarfimmini politikkissaminnik allaaserinnissimanissaat kommunimit pingaartinneqarpoq, suliaasaqarfimmi killiffiit kiisalu politikikkut anguniakkat ingerlatsivimmit qanoq piviusunngortinnissaannut iliuusissatut pilersaaruteqarnissat ilanngullugit eqqarsaatigalugit.

Kommunalbestyrelsip Kommuneqarfik Sermersuup ineriartorneranut tamakkiisumik takorluugaa tassaavoq:

"Kommuneqarfik Sermersuumi illoqarfiit tamarmik assigiiaamik ineriartortinneqassapput sumiiffiit assigiinngissusaat ataqqillugu. Illoqarfiit inoqarfillu ineriartortinneqarnerat sumiiffiit ataasiakkaat namminneq periarfissaat pisariaqartitaallu aallaavigalugit pissaaq. Illoqarfiit inoqarfillu misigisassanik, toqqissisimanermik, sanaartukkanik aamma illoqarfiup ilusilersorneqarneranik kusanartumik kiisalu inissiaqarfinnik ingerlalluartunik tunniussasqaassapput."

Pilersaarutit inoqarfinnut ataasiakkaanut tamanut atuuttut kommunip pilersaarutaani pingaarnermi ersersinneqarput.


Taamaattumik pilersaarut pingaarneq tassaavoq aqutsinermi sakkusaaq pingaarutilik, pilersaarummi tamakkiisumik piviusunngortitsinissamut aqutissiisoq.

Aaqqissuussinerit pingaarnertit ima aalajangiiffigineqarnikuupput kommunimi najugaqariaatsip ataatsimut katinneranik naliliineq tunngavigalugu

"Angallanneq pillugu pilersaarut, Immikkoortoq 1: Aqquuserngit aamma aqquseeqqat, Nuuk" matumuna Kommuneqarfik Sermersuumi Kommunalbestyrelsimit akuersissutigineqarpoq ulloq 31.08.2021



Charlotte Ludvigsen
Borgmester



Marie Fleischer
Konst. Kommunaldirektør

Inaarutaasumik atuutilersutut tamanut nalunaarutigineqarpoq ulloq: _____

Attaveqatigiinneq aamma atuisunik peqataatsineq

Kommunalbestyrelsimit immikkoortumut pilersaarummut siunnersuut saqqummiunneqarpoq "Angallannermut pilersaarut - Immikkoortoq 1: Aqquserngit aqqusineeqqallu, Nuuk" tamanut tusarniaassutigisassanngorlugu piffissami 03. marsi – 28. aprili 2021.

Taamatutaaq Angallannermut pilersaarutip ilaminngua Kommuneqarfiga-mi takuneqarsinnaasimavoq, tassani kikkulluunniit Nuumi ajornartorsiutaaffiusut nalunaaqutsersinnaasimavaat pitsanngorsaatissatullu siunnersuuteqarlutik. Atuisunut peqataatsinermut tunngasoq piffissami 6. aprili 2021 - 28. aprili 2021 tamanut tusarniaassutigineqarpoq.

Pilersaarummi periusissiatut tunngavigineqartoq allanngunngilaq, taamaattumillu tusarniaassutigineqarsimasup assigingajavippaa. Taamaattorli aqquserngit ajornartorsiutaasartut pillugit nasuiaatigineqartut oqaaseqaatigineqarsimasunit annertunerusumik ersarissarneqarput.

Katillugit tusarniaassummut akissutit 27-t aqqutillu aalajangersimasut pitsanngorsaatissaat pillugit isumassarsiat amerlanerusut tiguneqarput. Taakku

maannamut qulaajaanermut pioreersumut anner-tuumik tapiliutaapput, pilersaarummilu matumani kingorna itisilerneqassallutik. Taamaalilluni 44-inik immikkuullarissunik assigiinngitsunik annertussu-silinnik, issiavinnit amigaateqarnermiit aqquserngit naapiffii ajornartorsiutaasut pitsanngorsaa-vigineqartariaqartunut tunngasut, eqqumaffigisassanik immikkoortut saqqummiunneqarput.

Ingerlariaqqinnissaq

Matumani immikkoortumut pilersaarutip naaler-nerani tulleriarinissamut allattorsimaffik takune-qarsinnaavoq. Tassani nassuiaammi immikkoortut eqqumaffigisassat allattorsimapput, suliniutillu aallartinneqartariaqarneri naapertorlugit tulleriar-nissaat gruppikkaarlugit agguataagaapput. Matumani pilersaarut akuerineqarpat, aalajanger-simasumik aaqiissutissat tulleriarinissamullu allattorsimaffik tunngavigalugu akigititassat siunnersuutit ilanngullugit iliuusissatut pilersaarusi-ortoqassaaq.



Sammisanut sumiiffinnullu agguataarineq


Pilersaarut sumiiffikkuutaartumik killeqarfilersugaassaaq Nuup illoqarfiata killinga atorlugu.

Nuuk nunatsinni illoqarfiit pingaarnersaattut atuuffimminik aamma Kommuneqarfik Sermersuumi illoqarfittut pingaarnertut ineriartortitseqqissaq. Illoqarfik inuussutissarsiornermik siuarsaaviusuvoq aamma illoqarfimmi innuttaasut amerliartupiloorlutik taakkua imminut napatissinnaasumik isumagi-neqartariaqarput.

Nuummi angallannerup ineriartortinneqarnera ukiuni kingullerni nalinginnaasumik pigissaarnerulernermik, nuttartut amerliarnerannik aamma illoqarfiup ineriartupiloorneranik nassataqarput. Tamatuma nassataanik illoqarfimmi biilit angallattut amerleriarujussuarnerannik kinguneqarpoq, soorlu illoqarfimmi aqqusinerni angallattut malunnaatilim-mik amerlinerannik kinguneqartoq. Aqqusinerni pingaarnerni arlalinni angallanneq tullerriaattorpasuarnik unammilligassaqaqtitsisalerpoq.



Takussutissiaq 1 - Illoqarfiup immikkoortui illoqarfiullu qeqqa-niittut.



Takussutissiaq 2 - Siorarsiorfiup tungaanut illoqarfiup alline-qarnissaanik aqqusinermilu titarnerit siunissami umiarsualivimmuq bussertoqartalernissaanik takutitsisumik illoqarfiup aqqusernganik assiliortuineq.

Maannakkut suliat pilersaarutillu

Immikkoortumut pilersaarut pisuinnarnut cykkilertunullu angallannerup pilersaarusioneqarnissanut tunngaviliisuussaaq, kisiannili pilersaarutitut naleqquttunut siunissamullu atuuttussanut attaveqaataassaaq, tamakkununnga ilanngullugit qanittumut pilersaarutit suliaassallu:

Tamanik angallassissutinik pitsanngorsaaneq

Suliassaq 2020-mi aallartittussatut pilersaarutavoq, aammalu 2012-imiit 2013-imiillu pilersaarutit aallartinneqarsimasut nutarternerattut atuutissalluni.

Nuummi aqquserngit qaqortunik titarneqalernissaat

2021-mi aqquserngit qaqortumik titarnilersoneqarnissaannut maskiinanik atortussanik pisineq pisiortornissarlu.

Nuussuup Mannguani, Sipisami, Kujalleq/ Quassunnguaq aamma 400-rtalimmi aqquserngit suliarinissaat.

2021-mi makku suliarineqarnissaat pilersaarutavoq; Kanngillinnguit- aamma Nuussuup Atuarfiata eqqaani aqquserngit iluarsaanneqarnissaat, aammalu atuarfissarsuup Arsiffimmiittup aqqutiliornissanut piareersaanerit.

Annertuunik attaveqaasersuutissat sivisuumik atasussat:

Aqquserngit marlunnik sammivillit pioreersut annertusarnissaat pitsanngorsarneqarnissaallu - immaqa nutaamik aqqusiornikkut.

Nuussuup tungaanut sullorsuup allinissaa, Siorarsiorfiullu tungaanut nutaamik sullorsualiornissaaq 2020-2023-mut pilersaarusionerlugit ingerlanneqarput - sanaartornissaat aalajangersarneqanngilaq.

Suliat pilersaarutillu siulliit killiffiat

Ukiut tuusintit nikinnerisa kingornali Nuuk angallanermut pilersaarutini arlalinnik akuersissutaasunik tunngaviatigullu akuersissuteqarfiusunik ineriartortitsisimavoq. Immikkoortumut pilersaarummi matumani nassuiaatigineqassapput; Nuummut angallannikkut pilersaarutit pioreersut ilaatigut tassaapput illoqarfimmi cykkilertut aqputaannut iliuusissatut pilersaarummiit kommunimi attanneqarsinnaasumik angallannikkut kulturimik tamanut atuuttumik ineriartortitsinissamut tunngasut. Pilersaarutit aallaavii anguniagaallu assigiinngitsuupput, kisianni annertunersai eqqarsaatigalugit ataatsimik siunnerfeqarput, innuttaasoq pisinnaartoq cykkilertorlu qitiutinneqarlutik.

Nuummi attassinnaasumik angallannermi kulturi 2012

Piffissami 2012-miit 2019-mut Nuummi angallannermut pilersaarut 25 mio. kr.-it missaannik sanaartugassanut pingaarnersuinerit ilanngullugit. Angallannermut pilersaarut sammisat sisamat

iluanni arlalinnik innersuussutitaqarpoq:


- Nuup illoqarfiata qeqqata biilinit angallaffiunnginnerunissaa,
- Siunissami Nuummi tamanut angallassissutit,
- Siunissami Nuummi pisinnaat cykkilertullu aqputissaat
- Siunissami Nuummi angallannermut isuman-naallisaaneq.

Taamaniilli suliniutit ilaat aqquserngit ataavartumik aserfallatsaalineqartarnissaannut ilaatinneqalerput, kisianni angallannermut politikki toqqaannartumik iliuusissatut pilersaarusiortigineqarsimangitsutut nalilerneqarpoq.

2013-imut Nuummut pilersaarusiortnermut ilitsersuut

Sammisanut pilersaarut atlantiku qulaallugu nutaamik timmisartunut mittarfiliornissamut pisari- alimmik attaveqatigiinnermut aningaasaliissuteqartoqarnissaata kingunerisaanik pivoq. Suliap killiffia tassaavoq, pilersaarusiortnissamut ilitsersuut 2014-imi nutarterneqarsimangimmat, 2021-mili nutarterneqassalluni.

PILERSAARUTINUT SANAARTUGASSANULLU PIFFISSALIUSSAQ *Takussutissiaq 3*



Nuummi tamanut angallannermut pilersaarut 2013

Nuummi tamanut angallannermi sammisamat pilersaarut

Killiffik; atuartut bussii illoqarfiup bussiiinut ilanngunneqarnikuupput, atuartullu bussinut ilanissaminut uppersaatit tunineqarnikuupput. Mittarfiup tungaanut, Qinnngutsinnut Nuullu qeqqata kujataanut bussit ingerlaarfiisa qanittumi ilanissaat suliarineqareerpoq, taavalu ungasinnerusumut pilersaarutaalluni Kangillinnguit Sarfaarsuillu toqqaannartumik bussinit tikinneqartarnissaat suli naammassineqarani.

Pisuinnarnut cykkilertunullu iliuusissatut pilersaarut 2013-2024, 2013-imi akuersissutigineqarpoq

Pisuinnarnut cykkilertunullu iliuusissatut pilersaarut arfineq-pingasunik suliniuteqarfiusussatut nassuiaatitaqarpoq, avatangiisit innuttaasullu peqqissusiat pitsaanerusunik sinaakkuteqartinneqarnissaannik qulakkeerisussaq, ungasinnerusorlu eqqarsaatigalugu ataqatigiissarluakkamik angallannikkut immikkoortumut pilersaarummik kingu-

neqassalluni. Immikkoortut suliniuteqarfiusussat tamakkiisumik periusissialionermik kinguneqarput, suliassallu ilaat arlallit nassuiaatigineqarlutik.

Nuummi illoqarfimmi cykkilit 2014


Kommuneqarfik Sermersuup aamma COWIp suleqatigiinnerisigut nalunaarussiaq suliarineqarpoq, Nuummi Paamiunilu illoqarfimmi cykkilertunut aqquutiliornissaq pineqarluni.

Killiffik: Nalunaarussiaq 2014-imi tunngaviatigut akuersissutigineqarpoq, atuutilersitsinissamulli pilersaarut tassunga tunngasoq malinnaatinneqarnikuunngilaq.

Sissaq sinerlugu aqqusineeraq

Nuummi sukisaarsaartarfeqarnissamat pilersaarummut atatillugu Nuummi sissaq sinerlugu aqqusiornissaq 2007-mi akuersissutigineqarpoq. Taama ittumik aqqutissaqalernikkut ilaatigut pisuinnaat illoqarfimmi pitsaanerusumik angalasinnaanissaat peqataanillu misigisaqarluarnissaat siunertaavoq.

Pilersaarummi immikkoortoq siulleq 2020-mi upernaakkut naammassineqarpoq, immikkoortullu tullia pingajualu pilersaarusioneqareerput.



Nunarsuarmi Anguniagaq

Nuummi aqqusinerik aqqusineeqqanillu sanaartornermi anguniagaq tassaavoq illoqarfiup sukka-sumik ineriartornerata isumaginissaa.

Inuussutissarsiornermi nunaminertat aamma umiarsualiveqarnermi nunaminertat nutaat aqquserngit ilusaasa pisariaqartumik pitsanngorsarnerannik ikorfartorneqassapput, soorlutaaq aamma ineriartornerup illoqarfiup qeqqata eqqissisimanartinnissaa pisariaqartitsineq sakkortusitissimagaa angallannermilu iliuutsit annerusumik qitiutinnerulerlugit.

Siorarsiorfiup sanaartorlugu annertusarnera ineriartornermik suli annerusumik pilersitsinissaa naatsorsuutigineqarpoq.

Qeqertarsuatsiaani Kapisilinnilu aqquserngit aqqusineeqqallu annertusarnissaat pisariaqartin-neqanngilaq.

Naalagaaffiit Peqatigiit Nunarsuarmi Angunia-gaannut atassuteqarneq

Kommuneqarfik Sermersooq suliaqarpoq Naalaga-affiit Peqatigiit Nunarsuarmi Anguniagai pillugit piujuartitsisumik ineriartortitsinissap atuutsilernis-saanik, "Nunarsuarmi Anguniakkanut Periusis-siaq" 21.01.2019. Tamatuma kingorna kommunip kissaatigaa, ingerlatsiviit anguniakkat immikkoor-tukkuutaani sulianut ilanngutissagaat. Nunarsuarmi Anguniakkat " Angallanngit pillugu pilersaarut" ukununga sulianut ilanngutsinnissaat attuumassuteqartoq nalilerneqarpoq.

Anguniakkat ilai attuumassuteqartut, qitiutillugit sammisat aamma takussutissat skemami ataaniit-tumi takuneqarsinnaapput.

*Allaatigisat ilaatigut makkuninnga
NIRAS-ip Oqaaseqaataa una pillugu "Kommuneqarfik Sermersooq
Aqquserngit aqqusineeqqallu pillugit immikkoortumut pilersaarut"
20. decembari 2019-imeersoq*



Nunarsuarmi Anguniagaq 3:

Kikkut tamarmik peqqinnartunik inuuneqarnissaat qulakkeerlugu ukioqatigiiaallu tamarmik atugarissaarnerat siuarsarlugu

Anguniakkat ilaat immikko-ortuni pilersaarusiornermut attuumassuteqartut

Immikkoortuni pilersaarut uku qitiutillugit anguniakkanut ilapittuutaasinnaavoq:

Takussutissaq (Naalagaaffiit Peqatigiit)

3.4 Amerlanerit nappaatinit tuniluuttunit annaallugit aamma tarnikkut peqqissutsip nukittorsarnera

Aqqusineeqqat pitsaasut timersornissamut periarfissaqartitsisut aamma angallasse-riaatsit peqqinnartut kiisalu ininut qasu-ersaarfiusinnaasunut misigisassanullu isersinnaaneq.

3.4.1 Uummatip taqarsuatigut nappaatit, kræfti, sukkoorneq imaluunniit KOL-ip malit-sigisaanik toqusarneq

3.4.2 Imminut toquttarnerup akulikis-susaa

3.6 Angallannermi ajunaartut ajoquserne-qartullu ikilisinneqat

Angallattunut "oqittunut" aamma "oqi-maatsunut" angallannermi sillimaniarneq. Angallannermi sillimaniarneq innuttaasut angallannermi annertunerusumik toqqissi-

simanerannik aamma ajoqusernut ajunaar-tullu ikinnerunerannik isumaqarpoq.

Najukkami pissutsinut tunngatillugu apu-taajaasoqarsimannginnera pissutaalluni angallannermi ajoqusernerit imaluunniit orlunikkut aamma ajoqusernerusinnaapput.

3.6.1 Angallannermi ajoqusernerup kingunerisaanik toqusoqarneq

3.9 Kemikalit mingutsitsinerillu peqquti-galugit nappaatit toqusullu ikinnerulersin-neqarlik

Aqqusineeqqat atorneqarnerulernissaasa annertusarnerisigut, ataatsimoorluni angal-lannerup aamma mikisunik biileqarnerup, hybridinik imaluunniit innaallagiatortumik biileqarnikkut silaannarmik mingutsitsineq annikillissillugu.

3.9.1 Illup iluani silamilu silaannarmik mingutsitsinerup malitsigisaanik toqusar-neq



Nunarsuarmi anguniagaq 4:

Tamanut assigiissumik pitsaassusilimmik ilinniartitaaneq inuunerlu tamaat ilinniar-sinnaanermut periarfissaqarneq

4.A Atuarfiit isumannaatsut sanaartorneqar-lik qaffassarneqarlutillu

Atuarfiit ataatsimut isigalugu eqqaanni atuarfimmu aqqu isumannaatsoq aamma angallannermi sillimaniarneq.

4.a.1 Atuarfiit makkuninnga atortoqarfui-sinnaasut amerlassusaat: (a) innaallagiaq, (b) ilinniartitsinermik siunertanut atugassaq internet, (c) ilinniartitsinermi siunertanut qarasaasiat, (d) atuartunut innarluutilinnut attaveqaatit atortullu naleqqussakkat, (e) imermut atortut pingaaruteqartut, (f) suaassutsinut immikkoortinneqartut perusuersartarfiit (g) errormissamut atortut pingaarutillit (WASH-imi uuttuutitut nas-suiaatit naapertorlugit)



Nunarsuarmi anguniagaq 9:

Attaveqaatit patajaatsut sanaartorlugit, suliffissuaqalerneq ilanngutsitsisoq piujuar-titsisorlu tapersorsorlugu nutaaliormerlu tapersorsorlugu

9.1 Attaveqaqatigiissutit piujua-annartut sanaartorlugit

Inoqarfinni tamani tattoqisaannerit ajornar-torsiutaanerit aqqu illu aqqu tigineqarsin-naasut iluarsillugit.

9.1.2 Ilassut usillu annertussusiat, assar-tuutit suuneri malillugit agguarneqartut

9.4 Piujuaannartitsinerup iluani tunisassioernerit attaveqaqati-giissutillu tamaasa qaffallugit

Ataatsimoorluni angalanerup kajumernar-nerulersinnera, cykilernerup siuarsarnera aamma biilernerup iluani pinngortitamik mianerisaqarneq ikorfartorniarlugu, innaal-lagissersuutit.

9.4.1 CO2-mik aniatitsineq naleqartut qaffakkiartornerannut naapertuuttunngor-tillugu.



Nunarsuarmi anguniagaq 11:

Illoqarfiit, nunaqqatigiit nunasiffiillu ilanngussisunngortillugit, isumannaatsunn-gortillugit, patajaallisarlugit piujuartitsisunngortillugillu

11.2: Angallannermi atortorissaarutit akik-itsut mingutsitsinngitsullu pilersillugit

Suiaassuseq, ukiut aamma innarluutit ape-qqutaatinnagit kikkunnit tamanit angallan-neq atorneqarsinnaasooq, ilaatigut pisortat angallassissutaasa akeerrunnissaannik periarfissaqarnerooq misissorlugu.

11.2.1 Innuttaasut inuit tamat angallanne-rinut ajornanngitsumik periarfissaqartut amerlassusaat, suaassutsinut, ukiunut innunullu innarluutilinnut agguarlugit



Nunarsuarmi anguniagaq 13:

Silap pissusaata allanngorneranik taassumalu kinguneranik akiuinissamut piaartu-mik iliuuseqarnissaq

13.1 Silap pissusaanut ajunaarnersuarnut attuumassuteqartunut akiuussinnaassut-simik nukittorsaaneq aamma naleqqussa-aneq

Kissap aamma silap masannartup pe-qqutaanik aqqusinernik aqqusineeqqanillu aserfallatsaaliuillunilu nunap nakkaanis-saata pinaveersaartinnissaanik qulakke-erineq

13.1.1 Toqusut, tammartut aamma inuit ajunaarnermik eqqugaasut amerlassusaat (innuttaasut 100.000-gaangata) uuttorta-aneq.

13.1.2 Nunat nunami najukkanilu ajunaar-nersuaqarsinnaaneranik passussinissamut periusissiaqartut amerlassusiat

Naalagaaffiit Peqatigiit anguniagaat tunngavigalugit ajoqersuutit

Naalagaaffiit Peqatigiit anguniagaasa ilaat tunngavigalugit ajoqersuutinik imaluunniit piumasaqaatinik assigiinngitsunik illoqarfiit immikkoortuini aalajangersimasuni malinneqartussanik erseqqissaasoqarpoq. Immikkoortut Nuuk tunngavigalugu erseqqissaassutigineqarput. Taamaattorli amerla-

nerit kommunimi sumiiffinni assigiinngitsuni allani illoqarfinni immikkoortuni atuuttariaqaraluarputtaaq.


Taamaalilluni Kommuneqarfik Sermersuumi ataatsimoortumik Angallannermut immikkoortumut pilersaarummi taakku ingerlateqqinneqarnissaat erseqqissaatiginissaallu immikkoortuni tullerni siunertaavoq:



ILLOQARFIUP IMMIKKOORTUA pisiniarfissaqanngitsoq MARLUNNIK AQQUSINEQASSAAQ INUNNUT PISUT-TUNUT naatsorsuussamik, taakkunungaluaq periarfissalinnut qanittumiittunut atassuteqassallutik.



ILLOQARFIUP IMMIKKOORTUI QAAMMAQQUTEQARTU-NIK aqqusineqassapput, pisuttunut cykelertunullu UKIOQ KAAJALLALLUGU aqqutigineqarsinnaasunik peqarnissaa qulakkeerneqassaaq..



ILLOQARFIUP IMMIKKOORTUA TAMANUT ANGALLAFFI-USUNUT aqquteqassaaq, UNITTARFIILLU akornanni angallassinnaanerit qulakkeerneqassapput.



ILLOQARFIUP IMMIKKOORTUISA sanilinit atassutaat PIT-SANNGORSAAVIGINEQASSAPPUT, arlalinnit tikinneqarsinnaallutik.



ILLOQARFIUP IMMIKKOORTUI atuarfittaqartoq paaqqutarinniffinnilluunniit neqerooruteqartoq inunnut pisuttunut cykelertunullu ISUMANNAATSUMIK AQQUTEQASSAPPUT.



ILLOQARFIUP IMMIKKOORTUA AQQUSINERLUUNNIIT allanngortinneqalersoq, AQQUSINERMI SULISOQARTOQ ERSARISSUMIK inunnut pisuttunut cykelertunullu assiaqusersuinikkut allagartalersuinikkullu isumannaatsumik allakkut aqqutigineqarsinnaasumik peqassaaq.

Matumani "illoqarfiup immikkoortua" immikkoortukkuutaartunik inissiaqarfittut killilinnik, aqquserngup isuaniittuni soorlu Qernertunnguaniittutut imaluunniit Nuukullattut ittutut, paasineqassaaq.

Nassuiaat paasissutissallu tunngavigineqartut

	2007	2008	2009	2010	2011	2012	2013	2014	2015	2016	2017	2018	2019
ATV og 4-hjuler	10	10	21	28	31	29	42	59	59	64	65	65	81
Busser	19	23	33	35	31	39	39	36	33	39	42	40	43
Entreprenørmaskiner	0	0	0	0	0	0	1	240	360	399	440	467	532
Hyrevogne	36	52	56	83	61	104	90	88	84	87	87	94	90
Lastbiler	105	115	150	169	150	173	171	182	175	189	194	217	226
Motorcykler	0	0	0	0	0	0	0	1	0	0	1	1	1
Personbiler	1931	2084	1996	2372	2280	2474	2528	2585	2614	2682	2937	2981	3240
Påhængsvogne	0	0	0	0	0	0	0	78	102	119	136	199	220
Snescootere	0	0	0	0	0	0	2	57	146	227	290	319	426
Udrykningskøretøjer	8	13	28	32	44	66	71	99	106	87	99	83	100
Varebiler	562	581	554	592	532	582	591	615	586	576	608	695	703
Øvrige køretøjer	0	0	0	0	0	0	0	2	5	10	1	10	27
Samlet	2671	2878	2838	3311	3129	3467	3535	4042	4270	4479	4900	5171	5689
Samlet, korrigeret (uden entreprenør- maskiner, påhængsvogne og snescootere)	2671	2878	2838	3311	3129	3467	3532	3667	3662	3734	4034	4186	4511

Takussutissiaq 4: Nuummi eqqaanilu 1. januaari 2019-imiit qamutit motoorillit nalunaarsorsimasut. Nuup saniatigut nunaqarfiit Kapisillit Qeqertarsuatsiaallu ilaapput. 2014-imiik entreprenørmaskinat, qamutit kalusiuttakkat aamma qamuteralaat nalunaarsorneqartalerput. Kalaallit Nunaanni Naatsorsueqqissaartarfimmit amerlassutsit paasissutissiisutiginet, aamma VIAtrafikks "Angallannermi nalunaarsuinerit 2019"-imut ilanngunneqartut.

Nuuk 95 km-it missaannik isorartutigisunik aqqusineqarpoq, taakkulu agguataagaapput pingaarnernut najugaqarfiillu aqqusernginut, angallassissutiniillu amerliartuinnartunit ingerlaffigineqartarput. 2019-imi Nuummi angallassissutit 5.689-it nalunaarsorneqarsimapput, nuuttartulli amerligaluttuinnarnerat ilutigalugu, agguaqatigiisillugulu isertitat amerliartuinnarneri ilutigalugit aammalu inuiaqatigiit patajaatsumik siuariartornerat ilutigalugu angallassissutit amerliartuinnavipput.

Maannakkorpiaq Nuummi cykkilertartut qassiunersut kisitsisaatigineqanngilaq, kisianni misissuinerit nutaajunerusut takutippaat soorluuna Nuummi illoqatigiit amerlaqisut cykkileqartitertut. Nuummi cykkilearniartunut kommunip apersuinerani paasineqarpoq cykkilisisartut amerliartortut,

2019-imiit 2020-mut 200 procentit sinnerlugit tunisaqarnerpaasimapput.

Taamaakkaluartoq misissuinermi paasinarsivoq, illoqarfimmi illoqatigiit cykkilinik piginnittut amerligaluaqisut, taavalu meeqqat 1 procentii ataallugit atuariartornerminni cykkilertarput, atuartut 43 procentii pisullutik atuariartortarput angerlarlutilu. Imaappoq meeqqat affaasa missaat pisullutik atuariartortarput.

Angallannermik sukkassutsimillu nakkutilliineq

Nuuk ukiumut 2 procentit missaannik inuttusiar-torpoq, tamannalu tunngavigalugu aqquserngit aqquteeqqallu pissusissamisuginnartumik artuk-kerneqarnerulersarput.

Angallanneq pillugu kommunip pilersaaruserior-neranut atatillugu ajutoornissamut pitsaaliuineq suliniuteqarfigissallugu pingaarutilerujussuuvoq, aammalu Sanarfinermut Avatangiisinullu Inger-latsiviup maanna Nuummi politiit angallannermik nakkutilliisut suleqatigalugit angallannermi ajutoor-nerit nalunaarsortarpai, misissueqqissaariffigalugit sumiinnerilu nalunaarsortarlugit - ilaatigut ullut tamaasa nalunaaruteqartoqartillugu paasissutissat aniatinneqartut atorlugit. Nalunaarsuinerilli tamak-kua nalorninartortaqtartarput, tassami ajutoornernut tunngasunik nalunaaruteqanngitsoortarnerit amer-lammata, najoqqutarineqartarlunilu, ajutoornerit arfineq-aappaat kisimi nalunaarutigineqartartoq.


Piffissami maajimiit juuni 2019-ip tungaanut Nuummi angallannermi nalunaarsuisoqartarpoq. Nalunaarsuinerit pineqartut tassaapput aqquserngit naapiffiini kisitsinerit aammalu sukkassutsimik kisitsinerit (sukkassutsimik nalunaarsuinerit) aam-malu biilit uninngasarfiiniittunik kisitsinerit.

Angallannermi kisitsinerit inernerisa tamanut tunngatillugu takutippaat Nuup qeqqani angallannerup asseqanngitsumik allannguuteqarsimanera, aker-lianillu illoqarfiup qeqqata tungaanut aqqusernini appakaaffiusartuni amerleriaateqartoqarsimanera takuneqarsinnaalluni. Pingaartumik Sipisaq Kan-gilleq (A) - Eqalugalinnguit (B) - Peter Thårup Høeghip Aqqutaa (C) - Borgmesterip Anniitap Aqqusernga (D) Qinngutta tungaanut amerleriaat-sit nalunaarsorneqarput, tamannalu Qinngutsinni inuttusiar-toneramik malitseqartinneqartoq naliler-neqarpoq. Angallanneq annertusisarpaq akunner-mi angallaffiunerpaami aammalu ulloq unnuarlu angallaffimmi.

Nalunaarsuinerit nassuiaatitaanni immikkoortuni pingaarnerni ilaatigut erseqqissaatigineqarsin-naavoq:

- aqquserngit illugiit qeqqanni angallaffiuner-paapput Eqalugalinnguit Sipisaq Kangil-lermut Qernertunnguanut kaajallattarfik qaan-gerlugu, tamaani ullut tamaasa ulloq unnuarlu angallattut 16.000-nut naatsorsorneqarput (2013-imi nalunaarsorneqarsimasunut naleqqi-ullugu 1.500-nik amerlisimallutik).
- Aqqusernarmut aammalu H J Rinksvej-imi angallanneq piffissami 2013-2019-mut al-lannguuteqarsimanngilaq – taamaattorli H J Rinksvejip kangiatungaani amerleriaateqarsi-mallutik.
- ullut tamaasa ulloq unnuarlu Quassunnguami angallattut 3.400-nut amerlisimapput naak uki-ut siuliini angallattut 2.000-iusarsimagaluartut. aqquserngit asfalterisoreeraangata kigaallas-saatilersuisoqarneq ajornera tamatumunnga peqqutaatinneqartoq nalilerneqarpoq.
- sullorsuaq aqqusaarlugu ullut tamaasa an-gallanneq annertusiarortoq, maannakkullu angallassissutit 3.200-t aqqusaartaraat (2013-imi nalunaarsuinerit sanilliullugu 600-nik amerleriaateqarlutik).
- ullut tamaasa ulloq unnuarlu Borgmesterip Anniitap Aqquserngani angallanneq annertusi-artuinnartoq, maannakkullu 2013-imi nalunaar-suinerit 5.500-nut sanilliullugit 6.600-ngorsi-masut.

Sukkassutsimik uuttortaanerit takutippaat sukkas-suseq agguqaatigiissillugu 26-nik kisitsinerit 10-t akuerisamik sukkassusissap iluaniittartoq. Kisitsif-fiusuni 16-ini sinneruttuni sukkassuseq agguqa-tigiissillugu akuerisamik sukkassusissaq qaanger-neqartarpoq.



Takussutissiaq 5 - Piffissami 2003-miit 2019-imut aqutini aalajangersimasuni ulloq unnuarlu angallannerit.



Takussutissiaq 6 - Angallattut nalunaarsomeranni amerlanerpaanit angallaffiusoq.

Nuummi ajutoornerit

Pisuinnaat angallaffiusuni cykkilertut assigalugit navianartorsiorput 2009-mi 2010-milu Nuummi angallannermi ajutoortut ukiumut 50-ingajaat nalunaarsorneqarsimapput. Kisitsit taanna 2011-mi 2012-imilu ajutoornerit nalunaarsorneqarneranni 40 inulaarlugit ikileriaateqarsimavoq, kisialli 2014-imiit 2020-p tungaanut politiinit angallannermik nakkutilliisunit paasissutissanik pissarsiniar-toqarsimangilaq.

Politiit ukiumoortumik nalunaarusiaat aammalu Kalaallit Nunaanni Naatsorsueqqissaartarfiup paasissutissaatai aallaavigalugit, piffissami 2009-miit 2014-imut Nuuk tamaat eqqarsaatigalugu ajutoortarnerit takussutissiarineqarsinnaapput:

- 2014-mi 539-eriarluni angallannermi sukkasutsimik qaangiisimanernit politiit Nuummi ajutoornernik 23-nik nalunaarsuisimapput, inuit ajoquserut qassiuneri ilisimaneqanngitsut, atortutigullu ajoqusiinerit qassiunerinik ilisimaneqanngitsunik agguataarlugit.

Immikkoortumut pilersaarutip matuma suliarineranut atatillugu, Kommuneqarfik Sermersooq 2019i-mut aamma 2020-mut angallannermut atatillugu ajutoornernit nalunaarusianik pissarsiniarsimavoq (2020-mi taamaallaat piffissamut januaarimiit oktobarimut tunngasunik), taakkulu tunngavigalugit ajutoortarnerit imatut isikkoqarput:

- 2019-imi katillugit angallannermi sukkasutsimik unioqquitsinernit 401-iusunit ajutoornerit 150-it politiit nalunaarsorsimavaat.
- Angallannermi ajutoornerit, taamaallaat atortutigit ajoquserfiusimasut 60-iusimapput - pisimasullu ilaanni taakkunani peqatigitillugu inunnik ajoqusertoqartarsimavoq, taamaasillunilu pisoqarnera nalunaarsuineri marlunni ilannguttussangorluni (atortutigit ajoqusernerit inuillu ajoquserneri).
- Piffissami tamatumani angallannermut atatilugu inuit akornusertut 18-it nalunaarsorneqarsimapput, pingaartumik qaammatini aprillimiit novembarip tungaanut.
- Tamakkununga ilanngullugit angallannermi ajutoornerit erseqqissumik nalunaarsorne-

qanngitsut 85-iusimapput, annertunngitsumik atortutigit ajutoornertalinniit aporsinernut il. il. atortutigit inuillu ajoqusernerinik kinguneqanngitsunik.

- 2020-mut tunngatillugu, piffissami januaarimiit oktobarimut angallannikkut ajutoornerit 28-it nalunaarsorneqarsimapput atortutigit ajoqusernerinik kinguneqartut, taavalu angallannikkut ajutoornerit 10-t inuit ajoqusernerannik kinguneqartut nalunaarsorneqarsimallutik - tamakku saniatigit ajutoornernit nalunaarsuinerit 90-inik ilasimapput, ajutoornerit annikitsuniit atortutigit ajoqusernertallit aporsinernut il. il. atortutigit ajoqusernermik imaluunniit inuit ajoqusernerinik kinguneqanngitsut.

2019-imut 2020-mullu nalunaarsuinerit tunngatillugu ajutoornerit pillugit nalunaarusiani sumiinneri aqquserngillu sorliit pineqarnerisut allattorsimapput, taamaasillutalu ajutoorfiunerisartut sumiinneri erseqqinnerusumik takusinnaalerlugit;

Aqqusinersuaq

Ukiut siuliini ajutoornernut ataqatigiissikkaanni Aqqusinersuaq, H.J. Rinksvejimit 400-rtallip tungaanut kaajallattariaq tikillugu, ajutoornerpaaffiusarpoq. Aqqusineq arlalinnik pisuinnarnit ikaarfissaqarpoq, amigartumik allagartalersuiffiulluni aammalu aqqusineq qeqqatigit qaqortumik qalipanneqarani, aqquserngullu ilaani pisuinnaat cykkilertullumi biilit aqquataat atuarlugu ingerlasari-aqartarlutik.

Quppernemi tulliuuttuni assiliortuineq takuuk

Erseqqissassallugu pingaaruteqarpoq, angallannermi ajutoornerit 2014-ip 2020-llu akornanni pisut nikinganerujussuat tusarfinnit tusagaammata, taakkunungalu tunngatillugu 2014-imiit ajutoornernik nalunaarsuinerit Kalaallit Nunaanni naatsorsueqqissaartarfimmit pissarsiaammata, taavalu 2019-imiit 2020-mut ajutoornernik nalunaarsuinerit politiit oqartussaasut ajutoornernik nalunaarusiaannit pissarsiarineqarlutik. Taamaattumik 2014-ip kingornagut ajutoornerit amerlavallaanngillat, kisianni taarsiullugu assigiinngissutaa nalunaarsuinerup suussusersineranut tunngatinneqarsinnaalluni, tamatumani politiit paasissutissaataat ersarinnerullutik atortutigit ajutoornerit inuillu ajoqusernerinut tunngatillugu.

H.J. Rinksvej

Aqqusineq ataasiinnarmik sammiveqarpoq, illugiinnik cykkilerfissaqarpoq, tamannalu H.J. Rinksvejikkut Quassunnguakkullu T-kryds uniffissaq aqqusaarlugu. Illoqarfiup tungaanut cykkilertut sukkaasuumik ingerlasut ajutooratarsinnaapput Quassunnguamut/-miillu (aqquteeraq sipisamiit ammukajaajugami). Aqqut illugiinnit ingerlaffeqaromat cykkilertullu saamiup tungaani ingerlasarnerat tupaallannarsinnaasarpoq, pingaartumik Quassunnguup tungaanut saamiup tungaanut ingerlatilluni - tamaanaartut naapiffiatigut siornatigut ajutoorfigikkajuttaraat taaneqarnikuuvoq, taavalu 2019-2020-mi inuit 4-t ajoquserfigalugu.

Samuel Kleinschmidt Aqqaata Imanerullu naapiffiat

2019-imi 2020-milu malugineqarpoq Samuel Kleinschmidt Aqqaata Imanerullu naapiffiisa akornanni akuttunngitsumik ajutoortoqartartoq, pisuinnaat ikaartarfeqanngimmata imaluunniit pisuinnarnut cykkilertunuinnarlu aqquteqanngimmat; ukiut marluk kingulliit inuit marluk aqqutit naapiffianni tassani ajutoornikuupput.

Kaajallattariaq Manguaraq Borgmester Anniitap Aqqaata eqqaaniittoq

Kaajallattariaq Manguaraq aamma Borgmester Anniitap Aqqaata eqqaaniittoq ukiuni kingullerni inunnit ajoquserfiusarsimavoq. Kaajallattarissap sinaani cykkilerfissaqarpoq, taannalu talerpimmiit saamiata tungaanut sanguneqarpoq Nuussuarmiit silammukarnermi aqqutissaalluni, bussit unittarfii marluk tamaaniipput taavalu angallassissutit oqimaatsut oqinnerillu ingerlaffigisarlugu.

Qernertunnguanut kaajallattarfik

Kaajallattarissami eqqaanilu piffissami 2009-2013-imi ajutoornerit arfineq-pingasut nalunaarsorneqarsimapput, taakkunanga marluk pisuinnaat ajutoorneralugit. Avannaata tungaaniit kujammut kaajallattarfik sukkaasuumik aqqusaarneqarsinnaavoq, qullersuit inissisimanerat aammalu qeqqaniittup mikisunnguunera pissutigalugit. Ullumikkut aqquserngup kitaatungaatiqut ataatsimoorussamik illugiinnik aqquteeraqarpoq (400-rtalik aamma Eqalugalinnguit). Taamaattumik cykkilertut Qernertunnguanut naapiffikkut aqqusaartarpaat. Kaajallat-

tarfik appassisumi inissisimammat biilit cykkilertullumi sukkaasuumik kaajallattarfikkoortarput. Cykkilertartut sukkaasuumik ingerlasarnerat cykkilertullu naapiffiata illugiunera pissutigalugu, cykkilertut biilertunik tupatsitsisarput ajutoornermik kinguneqarsinnaasumik.

Sipisaq Kangillermi kaajallattarfik

Kaajallattarfirmi tassani piffissami 2009-2013-imit ajutoornerit marluk nalunaarsorneqarsimapput; taakkunanga ataaseq pisuinnaat ikaartarfiatigoorluni ajoqusertoq. 400-rtalik Eqalugalinnguillu aqqusaarlugit pisuinnaat cykkilertullu tamarmik Sipisaq Kangilleq aqqusaartussaavaat, taamaattumillu angalaffiullaarunnaartarluni. Ullaakkut assersuutigalugu Eqalugalinnguani kinguleriaartorpassuusarput, pissutigalugu illoqarfiup tungaanut silammukaartut pisuinnaat ikaartussat cykkilertullu biilertut unikkallarfigisussaammatigut.

Kalaallit Nunaanni peqqinnissaqarfik pisuinnaat ikaartarfiisigut cykkilerlunilu ajutoornermik immikkut nalunaarsuineq ajorpoq, immikkoortumulli piler-saarummi matumani peqataatinneqarpoq, Nuummi ajutoornerit eqqortumik takussutissiissutiginnissaat eqqarsaatigalugu.

Naatsumik oqaatigalugu peqqinnissaqarfimmi angallannermi, angallassissutit oqimaatsut akornusiinerini, pisuinnaat cykkilertullu akornuserartartut amerliartupiluunngitsut isumaqartoqarpoq. Qaammatini issittuni sermernerarluni aputeqarnerani, isikkivilunnera aammalu kamippaat pitsaanngitsut, pisuinnaat cykkilertullu aqqaataat quasattut ilanngullugit inuit quaallutik uppillutillu ajoqusernerusartut allaaserineqarpoq. Pisuinnaat cykkilertullu aqqusinertigut navianartorsiortinneqartarnerisa, angallassissutit oqimaatsut aqquteqatigineri ilanngullugit quaallutik uppittarnerisa inuit ajoqusernerannik kinguneqartarput.

Piffissami 2009-miit 2013-imut ajutoornerit (imminnut attuumassuteqanngitsut)

- Ajoqusersimasoq ataaseq
- Ajoqusersimasut marluk
- Ajoqusersimasut pingasut

* Angallannermi ajutoornerit 150-it missaanniipput ilaatigut inunnik ajoqusernertalinnik peqartut/peqanngitsut atortutigullu ajoqusernertalinnik peqartut/peqanngitsut



Takussutissiaq 7

Nuummi angallannermut pilersaarussiaq 131206_pillugu takussutissiaq; 2009-2013-imut kingullermik ajutoortoqarneranit assimi takuneqarsinnaavoq, illoqarfimmi sumi tamaani ajutoortoqartuarsinnaasoq, illoqarfimmilu aqquserngit ataasiakkaat ajutoorfiunerpaasutut nalunaarsorsimasinnaallutik, taamaattumillu immikkoqqissaq sammineqartariaqarlutik. Piffissamut 2019 – 2020-mut ajutoornermi takussutissiaq nutarterneqarpoq. Malugalugu ajutoornerit 150-it missaat erseqqivissumik nalunaarsorneqanngitsut takussutissanut ilanngunneqanngimmata.



Pisuinnaat cykkilertullu atugarisaat

Nuup anginersaa pisuinnarnut cykkilertunullu aqququtissaqarpoq, kisianni maannakkut angallanikkut aqqjissuussaaneq pingaarnertut angallasissutit motorillit eqqarsaatiginerullugit pilersaarutaallunilu aqqjissuussaavoq.


Nuup illoqarfiata qeqqani aqquserngit pingaarutillit qeqqaniittullu, ilaatigut H. J. Rinksvej, Kusuaq aamma Aqqusinersuaq aammalu Samuel Kleinschmidtsvej aqquteeqqanik pisuinnarnullu amigartumik aqquteqartinneqarput, aqquteeqqat amerlanertigut ataasiinnarmiittarlutik amerlanertigullu amitsuarsuusalutik, cykkilertut pisuinnaallu aqqutaannut akulerutiinnagaasarlutik. Aqqusinerne pingaarnerni ataasiakkaani, assersuutigalugu 400-rtalik pisuinnarnut cykkilertunullu aqquteqann-givippoq.

Inuit pisuinnaat cykelertullu atugarisaat illuttut sammisunut inunnut pisuttunut cykelertunullu aqququtit, pisuffiit cykelerfiillu ersarinngitsumik nalunaaqutillit, pisariaqanngitsumik aporaaffiusinnaasunik ilaatigut ajornartorsiortitsinnaasarput. Inuit pisuttut cykelertullu kiisalu biilit oqimaatsut akornanni aammali inuit pisuttut cykelertullu akornanni.

Tulliuttumi inunnut pisuinnarnut cykelertunullu atugassarititaasut takuneqarsinnaapput. Atugassarititaasut assigiinngitsorpasuit illoqarfimmi angallattunut paatsiveerunnerulernermik kinguneqartarput. taamalu isumannaatsumik angallannissamatunngavissiisuunngillat.

Taamatuttaaq aqqusinerne allani ajornartorsiuteqartoqarpoq, taakkunanili atugassarititaasut assigiinngitsorpasuuqut takuneqarsinnaavoq:


A 400r-talik



B Sipisaq Kangilleq



C H.J. Rinksvej




D Kuussuaq



E Aqqusinersuaq v Kuussuaq



F Aqqusinersuaq v Imaneq



G Aqqusinersuaq v Sipisaq Avannarleq





Annertusisamik nalunaarsuineq

Tulliuttumi siornatigut qulaajaanermi kiisalu tamanut tusarniaanermi erseqqis-saatigineqartut akulerullugit ataatsimut nalunaarsukkat saqqummiunneqassap-put.

Sanaartorneqartussat allannguutissallu tamakkerlugit takuneqarsinnaaniassam-mata ajornartorsiutaasut immikkoortunut pingasunut agguataagaapput:



L // AQQUSINEQ

Illoqarfik aqqusaarlugu attaveqaat

soorlu qaqqakkut majuartarfiit, pisuinnarnut aqutissiaq, cykelertunut aqut



M // SUMIIFFIK

Naapiffik immikkuullarissaq

soorlu kaajallattariaq, aqquserngit naapiffiat



S // IMMIKKOORTOQ

Immikkoortumi aalajangersimasumi immikkoortoq eqqumaffigisassaq

soorlu pisuinnarnut ikaartarfiik, allagartaq, qullup napasua, issiavik



issiavimmut siunnersuut

Attaviit amigaataasut imaluun-niit attaviit pioreersut pitsann-gorsarneqarnissaat Nunap assingani suliniutit assigiingitsut assigiingitsunik annertussusillit, angallanermut isumannaannerulersitseqata-asinnaasut kiisalu pisuinnarnut cykelertunullu sukisaarsaarnis-samut naleqarnerulersitsisin-naasut, takutinneqarput. Quppernemi tulliuttuni sumiif-finni assigiingitsut ajornartorsi-utaasullu immikkut nassuiarne-qarput.





4.5

M1

mittarfimmut aqqusinertaassaq /
kommende ny lufthavnsvej

M8.1

M5.3

M7.1

4.1

M5.2

4.2


10


9

L // AQQUSINEQ

Illoqarfik aqqusaarlugu attaveqaat

soorlu qaqqakkut majuartarfiit, pisuinnarnut aqutissiaq, cykelertunut aqqu





4.5

M1

M8.1

M5.3

M7.1


*mittarfimmur aqqusinertaassaq /
kommende ny lufthavnsvej*

4.2

10

9

3



1.

Qernertunnguanut ikaartarfik tummeqqallu

"Uanga isumaqarpunga Eqalugalinnguaniiit Qernertunnguanukarnissaq aamma C. E. Janssensvejimiit Qernertunnguanut aqqt pisuinnarnut ajornannginnerusariaqartoq.

Københavnimi sikkilertunut ikaartarfiit isumassarsiorfiusinnaapput."

7.

Qaqortumiit (Myggedalen) Qernertunnguanut aqqt.

"Qaqortumiit Qernertunnguanut aqqt tummeqqallu iluaqutaassagaluarpud. Pisuinnarnut illoqarfiliapallanniartunut qullilersukkamik aqquteqartuuppat iluassagaluarpoq."

11.

Kimbernaniit C. E. Janssensvejimut

"Kimbernaniit ammut inissialiat nutaat aqqusineqarlualertussat tikillugit, Qernertunnguanullu ingerlaqqittumik aamma C. E. Janssensvejimut pisuinnarnut sikkilertunullu aqqt iluitsuullunilu inissaqarluartoq. Janssensvejimut Taamaalilluni pisuinnarnut aqqutissaqarluassagaluarpoq, aqqt biilinit saneqquasunit nipeqannginnerusoq, illoqarfiup qeqqa tikillugu.

Silittumik inissaqarluarsinnaasumik sananeqaruni pisuttut sikkilertullu aqputaa tamaat inissaqarluarnissaat qulakkeerlugu, aamma immaqa aqqusineeraq titarnilersorneqarsinnaavoq, sikkilertut pisuinnaallu ilisarnaataannik."



4.5


"En sti / vej til de bløde trafikanter, med bænke."

3.

Qatserisut

"Qatserisut aqputaat amitsunnguuvog, tassanilu pisuinnarnut aqqt nalunaarsorneqarnani. Biilertut pisuttullu ulorianartorsiorfigisarpaat, biilerpassuit tassani aamma uninngasaramik. Nuukullak ineriartortinneqarluni sanaartorfiungaatsiarnera peqqutaalluni aamma Qatserisut aqputaanni saneqquasut amerlimmata tassuuna pisuinnaat sianiginissaat pingaaruteqarpoq. Qatserisut aqputaata ataasiinnarmik sammiviler-nissaa isumassarsiatsialaasinnaavoq."






4.2
"Sikkilertut pisinnaallu aqutissaat, is-siaarlik"



4.3
"Illoqarrrmmut aqutit amerlasartariaqar-put, biilerluni ugguuna ingerlaartoqaqqis-sinnaavoq Sikkilertut pisinnaallu aamma atorluarsinnaavaat."




9.
Asiarpaap kaajallattariaaniit Brugseni tikitsinnagu kaajallattariamut
"Ullaakkut ualikkullu una aqut biilerpassuit aqutigisarpaat. Pisinnaat sikkilertullu aqutissaqarluarput. Kisianni biilerpassuusarput sukkasuumillu ingerlasarlutik, atuariatortunut minnernut sikkilertunut pisuttunullu ulorianarpoq. Iluassagalarpoq qanoq pinerpoq aqqusineeqqat aqquserngillu immikkoortinneqarsinnaasuugunik, aqquserngilluunniit sinaakkutaannaanik assigisaanilluunniit."




10
**Qarsumiit Qungulermut imaluunniit Tiki-
 usaamut sikkilinut/pisuinnarnut aqqu**



14.
Kissarneqqortuunnguaq
*"Kissarneqqortuunnguami angallan-
 nerulernikooqaat, meerarpassuit haalimut
 haalimiillu pisuttut, inissiarsuarnullu inger-
 lasoqartarluni. Talerpiata tungaani biilit
 uninngakkajuttarput (Godthåbhalip tunga-
 ani), taamaammallu aqqusinikkoortariaqar-
 narluni, aqqullu amilluni. Tassani saamia
 tungaani pisuffissaqaraluarpat iluassagalu-
 arpoq."*



18
Sullorsuaq / illoqarfik
*"Sullorsuaq qaninersiorfiulluarpoq,
 kisianni pisuinnaat sikkilertullu immikkut
 aqquteqarnissaat amigaataavoq. Sullor-
 suarmi aqqusineq ameeremat immaqa
 immikkoortinnissaat ajornakusoorsin-
 naavoq, kisianni aqqusinermi tinngallaffis-
 saaqqanik peqartariaqaraluarpoq, biilertut
 amerlanerpaat sukkavallaamik taqqamani
 ingerlasarmata. Ingammik sermiutillugu,
 sukkaannarsuarlu ingerlasoqaraangat
 iluaalliornartaqaaq.
 Kisianni nalinginnaasumik illoqarfik tamak-
 kerlugu sikkilerfissanik immikkut aqqusi-
 neeraqartariaqaraluarpoq, sikkilertunuinna-
 anera tamanit nalunnginneqarluni."*



M1.3


"Mittarfik nutaaq ammarpat nalilernerqarpoq Illerngit 2001 mittarfimmut mittarfimmiillu pingaarnertut aqquaalissasoq, tassa imaalluni, angallanneq Siaqqinnermeersoq illerngit 2001-imut nuunneqassasoq."



M2.5

**Kuussuaq - Nuuk Centerimiit Brugsenip tungaanut aqquatearaq
Kuussuaq kommunip aamma Trolles tank akornanniittoq.**

"Nuuk Centerimiit Brugsenip tungaanut aqquateeraliortoqartariaqarpoq Kuussuaq ikaarlugu pisinnaatut ikaarfissaliorlugu. Brugsenip tunuani Trolles tank / grillbarimiit, Kuussuaq 1-ip tungaanut aqquatearaq. Maannakkut pisinnaat aqquutigisartagaat Brugseni sinerlugu aqquutigineqartartoq pisinnaatut ilaasunullu aqquutissiaann-gilaq, tassuunaassagaannilu pisiassanik usingiaavik aqquusaartariaqarpoq lastbiilit, containerit allallu tamaaniittarmata."



M2.8

Dronning Ingridsvej pisinnaat aqquataat ikaarfissallu

"Pisinnaat eqqarsaatigalugit (amerlasuutigut angajoqqaat mikisunik meerallit qamutartullu imaluunniit utoqqaat) nakorsi-artarfiliartut, Dronning Ingrids Vejip saami-atungaatigut aqquutilertariaqarpoq, Aqqu-sinersuup aammalu Sanamut Aqquataata naapiffiatigoortut nakorsiartarfiup eqqaani aqquteeqqamut atasoq ikaarfissalertariaqarpoq."

M5.1


Dronning Ingridsvej/ Aqqusinersuarmit SANA-mut aqquut pisinnaatut aqquutissiaqanngilaq.



M2.9

Svend Jungep Aqqutaa - soqannginersaq gangali atuuttoq

"Sumiiffimmi tamaani Asiamiit pisuinnaat aqqute-qalertariaqarput, Svend Jungep Aqqutaa atuarlugu Sipisaq Kujalleq kaajallallugu (qaqqaq ilanngullugu qaartillugu) taavalu oqaluttuarisaanermut attuumassutilik umiarsualiviup tungaanut aqqut pilerseqqillugu, pisuinnaat pingaarnertullugit. Pingaartumik tamanna inissianik quleriaanik sanaartorfiummat, piffissap ingerlanerani angallannermik (Nuukullak il il) oqimaatsunik aqqutigineqartarneraniit allannguiffiususaaq pisuinnaat, cykkilertut, inuillu biilii, kiisalu ilaqtariit meerartallit tamaana ingerlasalernissaat ilimanarmat. Tassunga ilanngullugu Qatserisut sinerlugit, bussinut ilaasunit pisuinnaarlutik ingerlaqqittartunit atorluarneqartartoq Ukiuni kingullerni ilaatigut pisuinnarnut ikaarfissaliisoqarnikuuvoq, kisianni naammattumik nalunaaqtsersugaanatillu qullilersuiffigineqanngilat."



M3.0

Nuukullak

"Nuukullak suliffeqarfiujunnaarsillugu najugaqarfissanngortinneqariartuaarpoq. Tamatumunngalu atatillugu angallassissutit oqinnerusut oqimaannerusullu amerliartupiloorput. Aammalu maannakkut pisuinnaat amerlisorujussuannngoreerput. Taamaattumik makkua sapinngisamik piaartumik iluarsuiffigineqarnissaat ujartorpara:

1. Nuukullak/jagtvejimiit pisuinnaat aqqutaannik imaluunniit aqquteeqqamik pilersitsivigisariaqarpoq, Svend Jungep aqq./Asiaq aqquteeqqap tungaanut.
2. Nuukullammi aqquserngit qullilersornissaat"



M5.3

Sumiiffimmi pinngortitaleriffiup / Ilimmarfiup eqqaanniittumi aqqusineeraq. Sumerpiaq inissisimanisaa amigaataavoq.



M6.1

Quassunnguaq

"H.J Rinksvejimit isaarissami angallassis-sutinut annerpaamik 3600 kg-imik allagartaqarpoq.

- Aqquserngilli isuata illuani allagartaqann-gilaq.

- Sumiiffiit najugaqarfigineqartut anner-paamik 40 km/t ingerlaffigeqqusaapput.

Uanili billertut 60-80 km/t ingerlasarput.

- Eqqarsaatigeqqunarpoq 30 km/t-mik killi-likkamik ingerlasoqartarnissaa."



M7.1

Kigaallassaatit

"Aqqusineq sukkasuumik biilerfiusarpoq, ilaatigut dumperersuit allallu biilersuit oqimaatsut mittarfiliamit assartuisut sukka-lisaarlutik sanequaffiguarpaat.

Uagutsinnut aqquserngup Manguaqqap eqqaani najugaqartuusunut toqqissisima-narnerussagalarpoq vejbumpimik piler-sitsisoqartuuppat nipiliornerlu annikilliimis-sagalarpoq."

M8.1

Manguaraq, Qattaaq og Natsiaq.

"Ineqarfitta eqqaani ulloq unnuarlu usisaas-suit dumperit sanioqquturnerat qatsulluin-narparput.

Siunnersuutigerusuppara "ajoqusersuineq" siammarternerulaaqqullugu, piffissami aalajangersimasumi Siaqqinneq aqutigi-sinnaavaat piffissanilu allani Manguaraq aqutigisinnaallugu. Manguaqqami naju-gallit kisiisa ulloq unnuarlu angallassissuti-nik oqimaatsunik ajoqusersuinnarnagit."




M // SUMIIFFIK
Naapiffik immikkuullarissiq
soorlu kaajallattariaq, aqquserngit naapiffiat






4.1



2.
"Deres Tankip eqqartuussiviullu tungaanut aqqusineeqqamiit, pisuinnaat aqquataasa marluk akornanniittut aqquserngit ilaat. Taakku aqqusineeqqat marluk akornanni pisuinnarnut ikaartarfeqalersinnaasuuppat pitsaalluinnassagaluarpoq. Ullaakkut biilit tunuleriiaatileruttornerisa nalaanni ualikkullu biili sanguniartut utaqqisariaqartarnerat imaluunniit angallannermut qulliit tungaanut tunuleriiaat amerlangaarmata ikaaginnar-toqarsinnaasarnera. Utaqqineq ingammik ukiami sivisusinnaasarpoq, ukiuuneraniillu upernalerneranut, silarlukujukkaangat. Pisuinnarnut sikkilertunullu ikaapallassinnaalernerq sunniuteqangaatsiassagaluarpoq, biilertummi apuuffissaminnut apuutis-saqqarmata."



8.
"Pisuinnaat aqqutigilluartagaat ikaartarfeeraq Dr. Ingridvej 14 tunuaniittoq Egmontgård tungaanut sammisoq ukiukkut septemberimiit april ilanngullugu pisufigalugu assut taartarpoq mersernarluni arlaannut aporiaannaalluni imaluunniit nakkariaannaalluni. Tamassumap nalaa quleqartariaqaraluarpoq toqqissisimanis-saq pinerullugu!"




13.
Svend Jungep aqqusernaniit Kujallerpa-anut sangusariaq.
"Sangusariaq sangoriasaarfissaammat pisuinnarluni Svend Jungep aqqusernaniit Kujallerpaanukarniarluni annilaanganalaarsinnaasarpoq. Ingammik ukiuunerani taartarnerani, aappaatigut biilit qulliinik takusaqaraanni saneqquttoqalernerpaasi-narsisarpoq. Assersuutigalugu Nuuk City Hostelip ataani aqqusinermi tarrarsuuteqalersinnaagaluarpat, biilit pisutullu sangusariakkoortoqalernersoq takusinnaalissagaluarpaat."



16.

Oles varehus > Lyngby-Taarbæksvej

"Meeraaqqerivimminngaanniit atuarfiup ASKip tungaanut ikaartoqarniarnersoq aquttutut takuneqarsinnaanngilaq. Allagartaqaralarpoq, kisianni meeqqeriviup nalaani biilnik uninngasoqarpat imaluunniit aputaajaasut apussuarnik tassunga inissii-simappata, ikaarniartumik inoqarnera takuneqarsinnaanngilaq. Aqquserngup eqqaani apussuaqaraangat ikaarfissat biilnut inunnullu ulorianarsinnaapput. Aqqusinersuarmi biileqarnersoq inunnilluunniit ikaartoqarlernersoq takusinnaanngikkaanni."



19

Angallanneq utoqqarnut isumannartoq.

"Utoqqarpaaluit Qapiarfiusaami/Radiofjeldimi najugaqarput.

Oqaatsimi "Qapiarfiusaami" tusaasinnaareerparput, nuna utoqqarnut angerlarsimaffimminniit angallaffissaattut toqqissisimananngitsuusoq. Tassanngaanniit sumunnarniaraanniluunniit qummukajaat / ammukajaat sivingasuut aqutissatuaapput. Utoqqaat arlallit ilungersorlutik bus-sinut unittarfik qaninneq, illoqarfimmiittoq orninniartarpaat imaluunniit pisiniarfiliartarlutik.

Bussit tassuunaartarunnaarnikuupput. Innuttaasut toqqissisimallutik namminersorlutillu angalaarsinnaanissaannut aaqqiisutinik atuutsitsisoqartariaqarpoq, ingammik utoqqarnut iluaqutaasinnaasunik, innuttaasummi inuttussutsillu ingerlarnगत takuinnarlugu utoqqaat amerliartortussa-nerat takuneqarsinnaavoq!"



4.1

"Nuniaffik Siaqqinneq atalertariaqarput, immaqali rundkørselilerlugu. Inuit ikaarniartutbiilit tullerriaattut tassani arrilititsingaatsi-artarmata"

Kaajallattarfik nutaaq


Kommunalbestyrelsimit marsip aappaanni 2021-mi Nuussuup Mannguata eqqaani sanaartornissamut pilersaarummik qinnuteqaat akuersissutigineqarpoq. Pilersaarummumut paasissutissat ilaattut kaajallattariaq aamma ilaatinneqarpoq, taannalu aqqusiner-mi tassani angallannermik naleqqussaasinnaavoq.



Sumiiffinnik ajornartoorfiusartunik misissueqqissaarnej

Tulliuttuni angallannermi ajornartoorfiusartut saqqummiunneqassapput, taakkulu assigiinngitsutigut pisuinnaat biilillu kiisalu oqimaatsunik angallassissutit akornanni ajornartoorfiusarneri pillugit toqqarneqarsimapput.

Nalunaarsuineq ukiukkut 2018/19-imi ingerlanneqarpoq.



H.J. Rinksvej

Aqqusineq ataasiinnarmik sammiveqarpoq, illugiinnik cykkilerfissaqarlunilu pisuinnar-nut aqqusineeraqarpoq.

Avinnera assut silittoq, ersarissumilli pisuinnaat aqquserngat titarnilersugaq aamma tunuarsimasussaataaneq atuul-luni.

Aqquserngit aqqusineeqqallu arkonganni ujaqqat sinaakkutaaniittut.



H.J. Rinksvej

Aqqusineq aqqusineerarlu akuleriiginnar-tutut ipput, tunuarsimaartussaataanerlu sumiinnersoq takujuminaappoq aqqusern-gullu itinersuup tungaanut ammariartuin-narluni.

Ujaqqat sinaakkutaaniittut apummut aann-gartarput.


Assiliartatigut takuneqarsinnaavoq aqqusi-nermut nunaminertap aqqusinermilu titar-nernik apummik aanngartinneqarsimasut akornanni ataqatigiinneq.



Nuuk Center

Angallaffiit aqquitiit assigiinngitsut imminnul-
lu paarlaassimasut

Aqquserngit sillajaat paarlaassimasut an-
gisuullu pissutaallutik angallattunut eqqor-
tumik angallannissamat ajornakusoortitsi-
sinnaasarput. Taamaalilluni ajutoornissaq
aarlerinerneruvoq.



M2.2

H J Rinks Vej, Inspektørbakken Nuuk Center

*"Aamma aqquserngit naapiffianni Inspek-
tørbakken / HJ Rinks vejimi Nuuk Centerip
avataani pisuinnaat ikaartarput, tassuunalu
illugiinnik pingasoqiusamik mianersorfis-
saqarpoq, pisuinnaallu ikaarfissaat ungasil-
luni. Pisuinnaat ikaarfissaat pilersinneqar-
tariaqarput."*




Aqqusersuaq

Angallattut ersinngitsut ilimagingisamillu
ingerlaartartut

Cykelertut aqquataat naatsut marlunnillu
ingerlaarfigineqarsinnaasut kaajallattarfim-
mut iseraanni anigaannilu sukkut ingerlaar-
nissaq pitsaanerunersoq nalileruminaatsit-
tarpaat.

Cykelertutut kaajallattarfik paasiuminaap-
poq, aamma cykelertunut aqquserngit
pingasut tamarmik marlunnik aqqufigine-
qarsinnaammata qanoq ingerlaffigissa-
nerlugu paasiuminaalluni. Taamaamat
cykelertut suminganniit aggernerisut
biilertunut siumut takujuminaassisarpoq.
Cykelertunut pisuinnarnullu ikaarfissat
pillugit allagartat amigaataapput.



400-rtalik

Pisuinnaat paarlaattarnerat sukkasuumillu ingerlaartut.

400-rtalikkut paarlaaffissaq sukkasuumik ingerlaartunit ajornartorsiortitsivoq, Sarfaannguit tungaannit iluamik isigisoqarsinnaangilaq, pisuinnaat paarlaattarput bussillu unittarfia-ta inissisimanera pitsaanerpaanani.

Tamaat isigalugu pisuinnarnut paarlaattar-neq ajornartorsiutaavoq.



Aqqusinikkut titartukkat pisuinnaallu ikaar-fissaat apummit aangartarput.

Ukiuunerani apigaangat sumiiffiit ilaanni aqqusineeqqat aqquserngillu, tassa pisuinnaat angallassissutillu oqimaatsut aqquataat nalinginnaasumik immikkoortarput.

Angallattut ingerlaartillugit pisuinnaat ta-kujuminaassisarput.



Qernertunnguanut

Kaajallattarfik kaajallattarfittut
atorneqarnera killeqartoq

Naak kaajallattarfiugaluartoq asfaltikkut
ingerlaarfiit malillugit sumut ingerlasoqak-
kajuttarnersoq takuneqarsinnaavoq.
Taamaalilluni paarlaallutik pisuttunut pissu-
sissamisoorumik unikaallaffeqanngilaq.

M2.6

**Qernertunnguanut / Eqalugalinnguit
Tasiata nalaanni sammiviit ersingitsut
Qernertunnguanut / Eqalugalinnguit
Tasia.**

*"Kujataaniit busi uninngatillugu alanngor-
simasarpoq, taavalu avannaatungaaniit
kaajallattarfiup qeqqanit takuneqarsinnaar-
piarneq ajorluni, taamaasilluni meeqqat
mikisut, meeqqanut qamutit qimmillu taku-
niarnarsisarlutik."*


S // IMMIKKOORTOQ

Immikkoortumi aalajangersimasumi immikkoortoq eqqumaffigisassaq soorlu pisuinnarnut ikaartarfik, allagartaq, qulliup napasua, issiavik







● M5.2




6.
Sarfaanguani pisuinnarnut ikaarfissaq
*"Pisuinnarnut ikaartarfik angallanner-
 mi qullilik, tummerarsuarnukarniaraanni
 tummerarsuarniilluunniit aqqusiner-
 mut pigaanni ikaarniarluni biilit akornisigut arpa-
 pallattariaqarnani immaqa ikaartarfilerlugu
 assigisaanilluunniit, suliarforfiit / soraarfiit
 nalaanni ikaarniarnissaq ajornakusoor-
 torujussuugami."*



5.
**Sarfaannguaniit sikkilertut 400-meter
 vejimut talerpimmut sangusut.**
*"Sarfaannguaniit 400-meter vejimut
 sikkilerluni talerpimmut sanguniarneq
 paatsiveerunnarsinnaavoq. Talerpiata
 tungaani pisuinnarnut aqquteqaatigaluni
 bussinut unittarfeqarpoq, kisianni taava
 pisuinnaat aqqutaat unilluni. Pisuinnarnut
 ikaarfissaqanngilaq, taamaammat sumi
 tamaaniilernarluni. Aamma aqquserngup
 illuatungaani sikkilertunut aqquteqanngi-
 laq. Sikkilerluni tamanna ulorianartorujus-
 suuvoq."*



M2.1
**H. J. Rinks Vej-imi Atlantic Music eqqa-
 ani bussit unittarfii**
*"Taamaannerata takutippaa, ilaasut aqqu-
 sinikkut ikaarniarunik periarfissaqarpal-
 laanngitsut, imaluunniit assigiinngitsunik
 peqquteqarlutik taakkuningga atuiumann-
 gitsut - taamaasillutillu navialisitsisoorsin-
 naallutik, angallattunut allanut nuanniilli-
 uutaasartumik."*



M2.3

Aqquserngit naapiffiat Aqqusinersuaq H J Rinks Vej


"Aqquserngit naapiffiat Aqqusinersuaq / HJ Rinks Vej aamma nalilersuiffigineqartari-aqarpoq, pingaartumik sanguffissani, cykkilertut pisinnaallu kujammut ingerlaffiat aammalu pisinnaat aqputaat avannamut ingerlaffiusartoq. Ataatsimut isigalugu cykkilertut HJ Rinks Vej kujammut ingerlaffissartaatigoortut pitsaanngitsunik atugas-saqartitaapput, cykkilertut eqqarsaataana-tik, pisinnaat aqputaat amitsuarsuulluni, ilaatigut maniilakuluttuusarpoq aammalu cykkilerfiuneranik nalunaaqutsersugaasara-nani. Immikkoortuutinnissaat iluaqutaas-saaq."



M2.4

Aqquserngit naapiffiat Kuussuaq / Aqqusinersuaq & atuarfik nutaaq


"Aqqusinersuaq ikaarlugu pisinnaat aqputissaat amerlanerit pilersittariaqar-put. Assersuutigalugu TelePost center / Kristinemut / Oqaluffik, Kommune / Kuus-suaq ikaarlugu, pingaartumik atuarfik nutaaq atulerpat, meeqqat inersimasullu malunnaatilimmik amerlasuut angallaffiu-nerpaaffimmi taarsisaleranerani lu aqqusaar-talertussaammassuk."



M2.7

Aqquinersuaq / J. Kreutzmannip Aqq / Ceresvej aqquserngit naapiffiat


"Pisuinnaat ikaarfissaat nutaat iluaqtaas-saqisullu naammattumik nalunaaqutsiga-angillat, qulleqanngillat aammalu angal-affiunerpaatut atuuttut pilersaarutissatut siunnersuummi assigalugit akornuteqartumik suliaapput. Annikitsumik suliarinerisigut qaammaqqusersorluarnerisigut, soorlu ass. LED-nik qullilerlugit, immaqalu aamma uniffissanik nalunaaqutsikkanik pilersorerisigut allatulluunniit nalunaaqutsorsorerisigut aaqqiissuteqarfigineqarsinnaapput."



M5.2

Nuniaffimmit aqquinermut pingaarnermut (Peter Thårup Høeghip aqq.) biilnut anillaattarfik.

Angajoqqaanit sumiiffimmi meeqquerivinni marlunni meeqquerivimmiittuutilinnit atornerqartorujussuuvoq aamma angallannerpaaffiup nalaani angallatorpassuaqartarluni. Eqalugalinniguit tungaannut, annermik ukiumi apummik katersuuttoqartarnera pissutigalugu isikkiviluppoq.



AQQUSERNGIT

Tuujuk atuarfittaarlu

Tuujuk atuarfittaassallu eqqaa pillugu nutaamik tamakkiisumik pilersaarusiortoqarpoq, tassungalu atatillugu pisuinnarnut cykelertunullu attaviit isumannaatsut pingaartinneqarput.

Maannakkut siunissamilu angallannermut pissutsit pillugit diagrammi. Pilersaarusionerme illoqarfiup qeqqa tamakkiisoq pingaarnertinneqarpoq, immikkoortut ilaasa akornanni angallannermut ataqatigiissitsisussamik.

Ullumikkut Aqqusinersuaq aqqusinertut pingaarnertut atuuppoq, Kuussuarlu Kongevejilu ilanngulugit illoqarfiup qeqqani attaviit pingaarnertuullutik. Tuujuk Aqqusinersuakkut Kongevejikkullu aqqusineqarpoq. Tuujummi arlalinnik aqqusineeraqarpoq, tamannalu pillugu biilertunit, pisuinnarnit cykelertunillu qaninersiorluni aqqutigineqartarpoq.

Atuarfittaap Aqqusinersuakkut Kongevejikkullu angallattunut assut sunniuteqassaaq, angajoqqaarpassuit meeqqatik biilinnik atuariatortittassagaat naatsorsuutigineqarluni. Taamatuttaaq Tuujummi inissiasat eqqarsaatigalugit innuttaasut amerlisussaapput.

Siunissami suliniutissat


Ajornartorsiutaasunut taaneqareersunut aaqqiisutaasinnaasut:

Quassunnguup ataasiinnarmik sammiveqarnissaa

Quassunnguami angallannerup annertusinginnissaa, ullumikkut inissiaqarfinnut aqqutitut angissusilerneqarsimasup, ilaqtariinnullu ataasiakkaanut inissiaqarfiup eriaginantup angallannerup annertusinginnissaa pillugu, attaviup ataasiinnarmik sammiveqarnissaa siunnersuutigineqarpoq.

Piunnarnut cykelertunullu attaviit pitsanngorsarneqarnissaat


Ullumikkut illoqarfiup ineriartortinneqarnissaanut pilersaarutaareersumi pisuinnarnut cykelertunullu attaveqaatit pitsaasut pioreerput, taamaattorli pitsanngorsarneqarnissaat pisariaqarpoq.



AQQUSINEEQQAT



issiavimmut siunnersuut





Atortussanut allattorsimaffik aaqqiissutaasinnaasullu

Aaqqiissutaasinnaasunik sanaartugassanik pingaarnersiunermit tunngatillugu killiliineq


Atortussanut allattorsimaffik pingaarnertut isumasarsiorfittut tamakkiisumiingitsumillu iliutsitut atorpeqassaaq.

Aaqqiissutissatut suliniutit arlalitsigut angallannermi sumiiffinnut ajornartoorfiusinnaasunut misissueqqissaarnernut toqqaannartumik attuumassuteqarput.

Iliuusissat tamarmik anguniakkanut ataasiakkaanut naleqqiullugit ataani allaaserineqarput taamaalilitik atortussanik allattorsimaffiup iliuserineqartussanullu pilersaarutaasunut malitseqartinneqarnissaanut suliassatulluunniit siunnersuutitut politikikkut takorluukkat paasinarsarnissaannut tunngatillugu tunngaviliisuullutik.

Pisuinnarnut cykelertunullu pitsaanerusumik atugassaartitsiniarnerup qulakkeerneqarnissaanut tunngatillugu aaqqiissutissat tamarmik ataatsimut tunngaveqarput, aaqqiissutitut ataasiakkaanut aningaasaliinissamut pisariaqartitsineq assigiinngisitaarluni.

Immikkoortumut pilersaarummiippoq ilassut taanalu naapertorlugu Sanaarfinermit Avatangiisinullu Ingerlatsivik suliniutit pillugit missingersuutissatut siunnersuutitut pisuinnaat angallavissaannik isumannaatsuunissaannillu maannakkut anertuumillu sunniuteqarnissaannik nalilerneqarpoq, suliniutillu sinnerisa atulinnginnerini misissuiffiqeqqissaarnissaannik nalilerneqarlutik.



Tunngaviusumik titartagaq

Tigussaasumik iliuuseqarnissat

Aqqusernit sinaatigut kaajallattarissanilu pisuinnarnut angallannermi isumannaallisaanerup pitsanngorsarneqarnissaa

Aqquteeqqani ataatsimut atorneqartuni cykelertartut amerlinerisa kinguneraat pisuinnaat cykelertullu akornanni akerleriinnerit ajutoornerillu. Pisut ajutoorfiusinnaasut peqatigitillugu sukkavallaamik cykelertut biilertullu annermik kaajallattarissani naapittarnerat biilertullu biilertullu cykelertut tupasutigisarmatigut aqputit marloqiusat ataatsimoortut kinguneraat.

Cykelertunut pisuinnarnullu aqquteeqqat ataatsimoortut ataasiinnarmillu ingerlaarfiusut ajornann-gippat silittuutinniarneqassapput - takorloorneqarpoq 4,0 m-imik silissuseqarnissaa. 2,5 m-imik silissusilimmi cykelertut aqputaat aqputissiarlu immikkut ataasiinnarmik ingerlaarfiusumik suliarineqassaaq - aqquteeqqap silissusaa 2,5 m ataatsimoortumik aqputissatut suliarineqassaaq.


Immikkut aqputit nalinginnaasumik qaqortumik titalugit immikkoortinneqartarput, tamannalu Nuummi ukiukkut aputeqartillugu sermeqartillugulu takujuminaassinnaavoq



Kaajallattarfinnut tunngatillugu tunngaviit nalinginnaasut

Periutsit "Nuummi aqqusinernik sanaatornermi pilersaarusionermut ilitsersuutitallaaserineqartut" aallaavigalugit ingerlatsisoqassaaq. Tassani aqqusineeqqat aqqusineeqqatut ataatsimoorussatut ilusilersugaapput. Sikkilerlutik ingerlaartut annermik isiginiarneqarnerisa nassataanik suliamik ingerlatsinermi aqqusineeqqat silinnerit sammineqartariaqarput taamaaliornikkut sikkilertunut pisuinnaarnullu periarfissaqarfiusuni inissaq pitsaaneruleqqullugu. Aqqusinernit illuatungaanni marluinni aqqusineeqqat ataatsimoorussat imminni pitsanngorsaataapput annertuut, sikkilertunut pisuinnarnullu inissaqartitsinissaq pillugu.

Takussutissiaq 9 - Cykelertunut immikkut ittumik pissutsinik peqartoqartinnagu kaajallattarfinnut tunngaviit.



Kaajallattarfik

Kaajallattarfiit ilusissaannut nalinginnaasumik innersuussut assiliartaliussaq 2-mi takutinneqarpoq. Tunngaviumik malittarisassatut atuutinneqarpoq tassaavoq qeqqani qeqertaasap diameteria 15 m-iusoq, qeqqani qeqertaasap diameteria 20 m-inut periarfissaqarluni. Uuttuutit sinneruttut tunngavittut ilusissani tulluuttuni takuneqarsinnaapput.

Pisuinnarnut sikkilertunullu annermik isiginninniarnermi malugineqarpoq:

- Aqquserngit ilaat ingerlaarfigeqqusaanngitsut 4,0 m silitsigisut
- Aqquserngit assigiinngitsut akunnerat 2,0 metrisut silitsigisog
- Kaajallattarfik sinerlugu aqqusineraaq 3,0 m silitsigisog

Sikkilertut pisuinnaallu pitsaanerumik atugasartikkumallugit siunnersuutigineqarpoq pisuinnarnut aqqusineeqqat ima allannngortinneqassasut, pisuinnarnut aqqusineeqqat 2,5 m silissuseqartilergit sikkilertunullu aqqusineeqqat 1,5 m silissuseqartilergit. Aqqusineeqqani sikkilerfissani sikkilit ilisarnaataat ikkussuunneqassapput.

Tunngaviumik titartagaq

Napparutit tamarmik inississorneri qamutit motorillit angissusiisa sangusarnissaanik uuttorneqarlutik misissorneqassapput.

— — Kaajallattarfiup asfaltiersorneqarnerani/ aserfallatsaaliorneqarnerani aqquutit ingerlaarfigigallagassaq.

Nunaminertaq angallatinut oqimaatsunut uuttorsimassaaq assersuutigalugulu sioqqanik qallersorneqarsimassalluni.

**Nalinginnaasumik periuserineqartut
- Aqquserngit aqqusineeqqallu**


Aqqusineeqqanik agguataarineq

- Ataatsimut aqqutip silissusaa < 2,5 m → aqqut ataatsimoorussa
- Ataatsimut aqqutip silissusaa 2,5 m → cykelertut aqqutaannut 1,5 m-imut pisuinnaat aqqutaannullu 1,0 m-imut agguataarneqassaaq
- Ataatsimut aqqutip silissusaa 3,0 m → cykelertut aqqutaannut 1,7 m-imut pisuinnaat aqqutaannullu 1,3 m-imut agguataarneqassaaq
- Ataatsimut aqqutip silissusaa 4,0 m → cykelertut aqqutaannut 2,0 m-imut pisuinnaat aqqutaannullu 2,0 m-imut agguataarneqassaaq


Cykelertut aqqutaat silinnerit cykelertunut isumannaatsunik pitsaanerusunillu atugassaqartitsissaaq peqatigitillugulu Nuummi cykelertunut assigiinngitsunik sukkassuseqarlutik ingerlaarsinnaassallutik.

Isorartussutsinni niuerfinni aqqusinermit sammisuni aqqusinermilu tuniniaasuni pisuinnaat pingartinneruneqarnissaat kissaatigineqarpoq. Haatigut pisuinnaat aqqutaat silissisinnerisigut taamaalior-toqarsinnaavoq.

Takussutissiaq 10 - Aqqusinermit pingaanginnerni sukkassutsit agguaqatigiissillugit atorineqarsinnaasut 30 imaluunniit 40 km/t



Takussutissiaq 11 - Aqqusinermit pingaanginnerni sukkassutsit agguaqatigiissillugit atorineqarsinnaasut 60 km/t



Aqqusinermit titarneqarnissaannut aqquteeqqanullu aqqiissutissatut siunnersuut

Sipisaq Kangillermit Nerngallaani kaajallattarisap eqqaanut aqqusinermit pingaarutillit pitsanngorsarniarlugu Kommuneqarfik Sermersooq pisuinnarnut angallannermit isumannaallisaanermi aqqiissutissanik marlunnik siunnersuutinik suliaqarpoq. Aqqiissutissatut siunnersuut siullermi aqqusinermit tamarmik illuata tungaani marloqiusamik ataasiinarmillu aqqusineeraqarnissaanut tunngavoq – aqqiissutissatut siunnersuutip imaraa aqqutinut sanaartugassanik pingaarnersiuneq, kaajallattarisat kiisalu tamakkiisumik sanaartortitsinermi aningaasartuutit.

Kiisalu Sipisaq Kangilliup eqqaani kaajallattarisap nutaap sananeqarnissaanut aqqiissutissatut siunnersuut suliarineqarpoq, qulaani aqqiissutissatut siunnersuummut taaneqartumut tapiliullugu imaluunniit namminerisamik pilersinneqassanersoq.

Suliniutinut allanut nalinginnaasumik tunn-gaviit

Aqquserngit pingaernerit, aqquserngit naapiffii imaluunniit kaajallattarfiit allanngortinneqarnerisa saniatigut annikitsunik allanik suliniuteqartoqarpoq. Nuummi angallannermut pitsanngorsaaqataasinnaasunik. Suliniutit ilaat, biilertut pingaernerutillugit, angallannermut pilersaarutip immikkoortuata tullianut aqutissiuussisussatut nalilerneqarput. Taamaattorli suliniutit pisinnaarnut cykelertunullu isumannaallisaanermut ajunngitsumik sunniuteqarluarnissaat nalilerneqarpoq. Tulliuttumi nasuiaatigineqarput:

Kigaallassaaitit – aqqusinerni kigaallassaasii-gallarneq, imaluunniit piujuartussanik asfaltimik kigaallassaasiineq.

Allagartalersuineq – ersarinnerusumik allagartalersuisarnissap eqqumaffigineqarnerunissaa, imaluunniit sukkassutsimut killilersuutit nutaat aqutigalugit angallannernik aaqqiissuteqarneq.

Aqquserngit ataasiinnarmik sammiveqarnissaat – aqquserngit ataasiinnarmik sammiveqar-tinnerisigut aqqusinerni amitsuni angallannerit ingerlalluarnarunissaanut inissaqarnerulissaaq. Matumani inuit pisinnaat angallassissutillu oqi-maatsut tamarmik ilanngunneqarput.

Akornusersuutit – aqquserngit sinaanni atortut immikkoortumi sukkassutsimut naleqqussaata-asut.



Allagartalersuinissamut assigiimmik najoqqutassaqarneq

NAL nr 1632 aamma 1633, 20/12/2017 Aqquserngit nalunaaqtsersorneri pillugit nalunaarut / Aqqusinerni nalunaaqtsersuutininik atuineq pillugu nalunaarut naapertorlugit sumiiffinni sukkassutsimik killilersuinerit erseqqarinngillat, kommunimi sukkassutsimik killilersuutit pitsaanerusumik nalunaarutigineqartarnissaat eqqarsaatigalugu. Nuummi allagartalersuineri assigiinnik najoqqutassaqarnissaq maqaasineqarpoq, tamani angallanneri allagartat amigarlutillu inissinnerlutaammata.



Sumiiffinnut aalajangersimasunut aaqqiissutissatut siunnersuutit

Tulliuttuni sumiiffinnut aalajangersimasunut aaqqiissutissatut siunnersuutit, aqqusinernut aalajangersimasunut eqqarsaatigineqartut, taamaattorli sumiiffinnut allatut akulerullugit atorneqarsinnaasagunartut, saqqummiunneqarput.

Aaqqiissutissatut siunnersuut 1

Aqqushineq marloqiusamik sammivilimmik pisuinnarnut aqqtissalik.

Sipisaq Kangillermiit Nerngallaata tungaanut 4 m - 2 m-it akornanni silissuseqartumik marloqiusamik sammivilimmik pisuinnarnut aqqtissaliortoqassaaq aamma 2 m-isut silissuseqartumik cykiler-tunut aqqtissaliortoqassalluni – tassa aqquserngup killingata illuatungaani.

A - Sipisaq Kangillermi aqqushineq (600 m-ip miss.)

Sipisaq Kangillermi pisuinnaat aqquataat pioreer-sup silissusaa ilaneqassaaq katillugu 4 m - 2 m-it akornanniilerluni aamma cykelerfissaaq 2 m-iussalluni – aamma immikkoortunngorlugu titarnilersugaassaaq. Pisuinnaat aqquataat 4 m-inngorlugu silinnerulersinniarlugu innaamanermi annertungitsumik qaartiterineq pissaaq, aqqushineerli pisuinnarnut cykerlertunullu illugiinnut ingerlasunut aqquataassaaq. Aqqushineeraq biilit aqquataaniit immikkoortinniarlugu


B - Sipisaq Kangilliup eqqaani kaajallattariamiit kaajallattariap Nerngallaata tungaanut aqqushineq (1100 m missaaniippoq),

Aqqushineeqqap silissusaa katillugu 4 m-iussaaq, pisuinnarnut 2 m aamma 2 m cykelertunut, biilillu aqquataannut akunneqassalluni 2,25 m-imik. Aqqushineeqqap ilaani annertunngitsuinnarmik qaartiterisoqassaaq, aqqushineeqqalli silissusilerneqarnera naapertorlugu kussineq illuarneqassaaq.

Aqqushineeqqat ikaarfissamik ilaneqarsinnaapput, ass. kaajallattarfinni aqqusinikkullu biilnik angallafinni, tamanna angallattut pisuinnarnit cykilertunillu immikkoortisimatinniarlugit immikkut aaqqiissutissaavoq - kaajallattarialiornissaaq aamma/imaluunniit pisuinnarnut aqqusiornissaaq periarfissaanngikkaangat taamatut aaqqiisoqarsinnaavoq (ikaartarfik peerneqarsinnaasoq, pisariaqalerfiinilu allami ikkunneqarsinnaasoq).



1A



1B

Aaqqiissutissatut siunnersuut 2

Aqqusineq ataasiinnarmik ingerlaarfigineqarsinnaasumik aqqusineeratalik

Sipisaq Kangillermiit Nerngallaata tungaani kaajallattarfimmut aqqusineri aqqusineeqqamik ataasiinnaasumik ingerlaarfigineqarsinnaasumik pilersitsisoqassaaq, aqquserngup illuttut sinaatigut silissusaa 4 m – pisuinnarnut 2 m cykelertunullu 2 m.

Aqqusineeqqakkut silissusaaq tunngavigalugit pisuinnaat cykelertullu immikkoortinneqassapput. Aqquserngup ilaa qaartiterneqarlunilu Qerner-tunnguanut Nerngallaatalu eqqaanni kaajallattarfiiit suliarineqassammata siunnersuut naapertorlugu annertunerpaamik nunatamik suliarinnittoqassaaq. Angallannermi isumannaatsuunissaq eqqarsaatigalugu aaqqiissutissaq piukkunnarpoq, tassami pisuinnaat cykelertullu aqqusineq ataaseq atornaviannngimmassuk.

A - Sipisaq Kangillermi aqqusineq (600 m miss.)

Sipisaq Kangilliup aqputaani illuttut ataasiinnaasumik ingerlaarfigineqarsinnaasumik aqqusineeralior-toqassaaq, 6,25 m silissuseralugu, tassa cykelertunut aqqusineq 2 m pisuinnarnut aqqusineq 2 m cykelertullu aqqusineq biilerfiusumiit 2,25 m ungasitsigissalluni. Sipisaq Kangilliup kangiani aqqusineeraq pioreersoq cykelertut pisuinnaallu immikkoortissinnaajumallugit titarnilersorneqassaaq. Aqqusineeraq aqqusinermit millisitamit immikkoortinneqassaaq immaqalu aqqusineeqqap cykelertullu aqputaasa akornanni sinaatigut kipparissunik ujaralersuisoqarluni.

Pilersaarut naammassiniarlugu Sipisaq Kangilliup kitaani innaq 450 m missaani angissusilik qaartiterneqartariaqarpoq, angallannerulli isumannaallisarnissaanut arlalinnik pitsaaquteqarpoq, soorlu; aqqutissiamit ammukarnermi cykelertut sukkane-rusumik ingerlasinnaapput, aqqullu pisuinnarnit ingerlaarfigineqassanngilaq. Sipisaq Kangilliup 400-rtallillu akornanni kaajallattarfiup eqqaani pisuinnaat cykelertullu aqputaat ilummukartoq, biilit aqputaatigut qarsutissanngilaq, biilertartut taamaallitullu pisuinnaat illuatungiinnaaniittut eqqarsaatigisallissavaat, tassa ullumikkutuunngitsoq ullumikkummi pisuinnaat illuttut aqqut atortarmassuk.

B - Sipisaq Kangillermi Kaajallattarfimmiit Nerngallaata tungaani kaajallattarfimmut aqqusineq (1100 m miss.)

400-rtalimmi aqquserngup illuttut aqqusineeqqanik ataasiinnaasumik ingerlaarfigineqarsinnaasunik 6,25 m silissusilimmik pilersitsisoqassaaq, tassa cykelertunut 2 m, pisuinnarnut 2 m taavalu cykelertut biilinillu ingerlaartut ungasissusissaat 2,25 m. Aqquserngup ilaani kussinermit nunaminertaliisoqartariaqassaaq.

Aqqusineq sinerlugu qaartiterineq immikkoortukuutaanik pissaaq kussinerlu pioreersoq aqqusineeqqap silissineratigut nikisinneqassalluni.

C - Kaajallattarfik, Sipisaq Kangilleq aamma 400-rtalik

Kommuneqarfik Sermersuup 'Nuummi aqqusiner-nik pilersaarusiornernut ilitsersuut, 2013'-imi allaaserineqartutut kaajallattarfik suliarineqassaaq, pisuinnaat cykelertullu qitiutillugit imaassalluni:

- aqquserngit ilaat ingerlaarfigeqqusaanngitsut 4,0 m siliitsigisut, (aqqusineeqqat ilummukartut assigalugit)
- aqquserngit assigiinngitsut akunnerat 2,0 meterisut siliitsigisoq
- kaajallattarfik sinerlugu aqqusineraaq 3,0 m siliitsigisoq.

Cykelertut aqputaat aqqusinermit tunuartinneqassaaq cykelertartullu angallattut allat eqqarsaatigalugit tunuarsimasussaataitaallutik. Kaajallattarfimmiit kimmuk aqqusineeraq nutaaq angallannermik isumannaallisaaqataassaaq, tassami pisuinnaat ilummukartut cykelertullu kaajallattariami angallattut qarsutissanngimatigut (talerpiata tungaanut angallattut silammullu angallattut).


D - Rundkørsel, Qernertunnguanut og Nerngalla,

Aqqusineeqqat ataasiinnaasumik ingerlaarfigisinnaasat piusinnaatillugit qeqqalu allisinnaatillugu kaajallattarfik suliarineqassaaq; biilit kaajallattarfik-kut toqqaannartumik ingerlaarsinnaatillugit qeqqata allineqarneratigut sukkassutsimut tunngatillugu pissusissamisoornerulissaaq.

Kaajallattarfikkut aqquserngit maannakkut atuuttut eqqarsaatigalugit aqquserngit kaajallattarfim-mukartut amiliartortuupput - sukkaallisariaqarnermut



2A + 2B



tamanna qulakkeerinnittuvoq.

Aqqusinerni illuttut sanguffiini aqqusineerartaanilu pisuinnaat cykelertullu aqputaanni oqimaatsunik assartuutit ingerlaarfigequsaanatik. Cykelertut aqputaat aqqusinernit tunuartinneqassaaq cykelertullu angallattunut allanut sanilliullugit tunuarsimasussaapput.

*Aaqqiissutissatut siunnersuut pisuinnaat ikaartarfii-
nik peqarsinnaavoq*

Kaajallattarfinni pisuinnaat cykelertullu aqputissa-
annik ikaartarfeeraliortoqarnissamut periarfissaqar-
poq, taamaalilluni pisuinnaat qamutillu motorillit
oqimaatsut aporatarsinnaasarnerat annikillisinne-
qassaaq.

Aaqqiissutissatut siunnersuut 3

A - H. J. Rinksvejimi, Sipisaq Kangillermi aamma Quassunnguami kaajallattarfik

H. J. Rinksvejimi kaajallattarfik angallannermi isumannaallisaanikkut ingerlaannaq pitsaasumillu sunniuteqassaaq; ilummukartunit saamerlermit sanguffissamit ajutoornerit ikilisarneqarsinnaapput, angallattut pisuinnaallu isikkiviat pitsaanerulissaaq, taavalu cykkilertut H. J. Rinksvejimi ataasiinnakkut ingerlaffissalerneqarsinnaapput, kaajallattarfik qaangerlugu, maannakkorpiaq cykkilerfissaqanngitsumi illugiinnillu pisuinnarnut aqquteqanngitsumi.

MALUGIUK!

Sanarfinermut Avatangiisinullu Ingerlat-siviup oqaaseqaatigaa Nuummi Illorsuaq Timersortarfiup allilernerqarnissaata akuersissutiginera tassani nunaminertamik atuinissamut pilersaaruteqareersoq. Taamaattumik kaajallattarfik sanaartorneqarsinnaanngilaq.

B - Aqqusinersuaq sinerlugu pisuinnaat cykkilertullu aqquataannik pitsanngorsaaneq

Nuummi innuttaasut pisuinnarmik angallattut pitsaanerpaamik atugassaqartilerniarlugit pingaaruteqarpoq, aqquserngit tamaasa angallaffigitinneqarnissaat. Tamanna anguneqarsinnaavoq assersuutigalugu qeqqatigut, saneraatigullu nalunaaqutsersorlugit imaluunniit aqqusinerni niuffaffinni allatigut periarfissarsiorfissalerlugit. Pisiniarfiit, paaqqinnittarfiit, pisortat suliffeqarfiutaat suliffeqarfiillumi allat aqquserngit sinaanni inissisimasut, soorlu Aqqusinersuarmi Kuussuarmi takuneqarsinnaasut, pisuinnaat aqquataasa avataasigut inunnit aqqusaarneqartartut, ajutoortoqaratarsinnaanera annikillisinni-arlugu arlaatigut aaqqiissuteqarfigineqartariaqarput.

Aqqusinersuaq tassaavoq aqqusinerni ajutoorfiunerpaasartuq, taamaattumillu kommune aqqusinermit ataatsimut aaqqiissutissamik ujartuisimavoq, cykkilertunik pisuinnarnillu iluaquasiiffusinnaasumik, biilit uninngasarfiinik arlaannaatigulluunniit ikilisaataaffiusussamik.



A - Aaqqiissutissatut siunnersuut 4 (aqqusineq)

Aqqusinersuarmi kaajallattarfimmiit 400-rtalimmi kaajallattarfimmiit H. J. Rinksvejip eqqaani t-krydsip eqqaaniittup tungaanut ataasiinnarmik aqquteeraliikkut aqqusinermik 1.000 m-it missaannik alliliineq. Aqquteeraq pingaartumik ataasiinnarmik sammiveqartutut aqquteeraliassatut pilersaarusiaavoq (Aqqusinersuarmi illugiinnik) pisuinnaat cykkilertullu aqquaatigut avissaarfilerlugit.

B - Aaqqiissutissatut siunnersuut 5 (aqqusineq)

Aqqusineq 250 m-it missaannik takissuseq allillugu ataasiinnarmik aqquteeralik, Aqqusinersuup aamma Sanamut Aqqut (SANA) akornanni. Dronning Ingridsvejip aamma Svend Jungep Aqqutaani aammalu Sanamut Aqqut t-tut naapiffilerneqassapput.



Aaqqiissutissatut siunnersuut 6

Majuartarfeqarfiit qanoq innerinik naliliineq Tikikkuminassuseq qulakkeerniarlugu pusuinnaallu pitsaaneruseq atugassaqartilerniarlugit eqqarsaatigalugu, majuartarfeqarfiit 26-it toqqarneqartut allilernissaannut aserfallatsaalisarnissaannullu pilersarusiortoqqartariaqarpoq.

Qanoq innerinik naliliineq, aserfallatsaaliineq aammalu majuartarfiit amerlissaat

Aqquteeqqat tamanit atorineqartartut majuartarfinnik arlalissuarnik ilaneqartarput, illoqarfinni si-vinganeqarfiusuni atassuteqaataasarlutik, taakkulu asiartarfinnut aqutigineqartarput, bussillu unittarfinnut tunngatillugu najugaqarfiit tikikkuminartuunissaat qulakkeerneqartarluni. Majuartarfiit ilusaat, taakkununga ilanngullugit tummerfiit, sinaakkutit, assiaqutit/immiinerit, sinaakkutillu, amerlanertigut qisunnit sanaajusarput, taavalu pisuttuurtut qaqqani qattunersanilu angalaarnissaannut ajornanginnerulersitsisarlutik - majuartarfillit taamatorpiaq cykkilertunut atugassiaangillat, taakkumi aqutini tamakkuninnga aamma atuinissartik kissaatigaluarmissuk.

Majuartarfiit qanoq inneri nalunaarsorneqangillat imaluunniit majuartarfiit sumiinneri nunap assingani pigineqangillat, ataavartumillu aserfallatsaali-neqartarneri innuttaasut aammalu sumiiffinni inissiatileqatigiiffiit saaffiginninneri tunngavigalugit suliarineqartarput, tamaaniittarmata majuartarfiit kommunimit pigineqartut aammalu ilarpassui inissiatileqatigiiffiit akisussaaffigisarlugit (soorlu Ini A/S, Iserit A/S, Illuut A/S, mf.).

Aqqusinernik aqquteeqqanillu annertusaaneq
Kommunimi aqqusinernik aqquteeqqanillu aserfallatsaaliisarneq angallannermi isumannaallisaaner-mut tamanut atuuttumut pingaarutilerujussuovoq, ilorrisimaarnissaq aammalu pisuinnaat cykkilertullu ajunngitsumik misiginissaat eqqarsaatigalugu. Nuummi cykkilertut pisuinnaallu aqqutaat arllait itersaqartiterput, tamakkulu ilaatigut angallannermi ajutoortoqarneranut piussutaaqataasinnaasarput. Cykkilertut pisuinnaallu aqqutaannik aserfallatsaaliisarneq aqquserngit aserfallatsaaliineqarnissaannit pingaarnerutinneqartassaaq.





Takussutissiaq 12

Majuartarfiit tamanit atorneqartartut sumiinnerinik nunap assinganut nalunaaqtsersuineq qanoq innerinik naliliinermut aammalu allilerinermut aserfallatsaaliinermullu pilersaarummut ilanngunneqassaaq.

Pilersaarusionerq

Ajutoortoqarneranit nalunaarusianik aqqissugaasumik pissarsiniartarnerq

Tamakkiinerusumik takussutissarsisoqassaaq, politiinut nalunaarutigineqartartut najukkami peqqinnissaqarfimmiit imaluunniit nakorsiartarfimmiit nalunaarutinik ilanngussiffigineqartartuuppata. Tamamaattumik Kommuneqarfik Sermersuup, Kommuneqarfik Sermersuup, politiit peqqinnissaqarfiullu suleqatigiinnerat nukittorsartariaqarpaa.

Attaveqatigiinneq paasititsiniaanerillu

Kommunip angallanneq pillugu isumannaallisaanermik pitsaaliuinermillu suliaqarnerata siuarsarneqarnissaanut tunngatillugu angallannermut tunngasunik suliaqarnerit allannguutillu pillugit tiguisussanut eqqortunut aammalu eqqortumik ilusilikkaniq nalunaaruteqartarnissaq pingaaruteqarpoq. Qarasaasiaq allakkallu atorlugit oqariartuutit pillugit paasititsiniaanerit ajunngilluinnarput, tamatumani siunertarineqarmat, angallattut pissusilersuutaannik allannguiniarnerit imaluunniit, angallassissut atortagaq pillugu pissusilersuutigineqartartut pillugit erseqqissaassuteqarneq (cykili imaluunniit pisuinnartut).

Paasititsiniaanerit makkua cykkilertut pisuinnaallu pitsaanagerusunik atugaqartilernissaannut ingerlanneqartussatut pilersaarutigineqarsinnaapput:

- Cykkilertut angallannermi pissusilersuutaat
- Talerpimmut/saamimmullu sangusarneq
- Angallannermi oqarasuaatinik angallattakkanik atuineq; biilerluni, cykkilerluni pisuinnartuullunilu
- Ingerlaqatigisanut nalinginnaasumik pissusilersortarneq
- Cykkilernissaq 'pisuinnarnissarlu' toqqaraanni, misilittakkat takutippaat, pisuinnarnut cykkilertunullu aqqutissanik amerlanerusunik sanaartorneq angallannermi ileqquliussanik cykkilernissamik pisuinnarnissamilluunniit amerlanerit allannguiniisamik toqqaanissaannik kinguneqarnaviangitsoq.

Atualeqqaanut, ukiulernerani, aammalu sukkasuseq imigassartorsimallunilu biilerneq pillugu paasititsiniaasernerit Kommuneqarfik Sermersuumi angallannermi isumannaallisaanermut suliniutaani atortussatut pingaarnerpaatinneqarput - soorlu assersuutigalugu ukiumut ataasiarluni "refleksdag" ingerlanneqartassasoq, ullormi tassani Kommuneqarfiup Allaffiani Nuummilu bussini refleksinik agguaassisoqartarluni.

Paasissutissiineq

Aqquserngit aqquteeqqallu pillugit immikkoortumut pilersaarutip nassatarisaanik pilersaarutit tamarmik attaveqaateqarnermut tunngasunik pilersaarusiorgineqassapput, tassanilu takorluukkat anguniakkallu paasissutissiissutigineqassapput. Tusagassiorfiit atorneqartut, soorlu kommunip nittartagaa kommunip innuttaasunik peqataatitsinermut atortagaa Kommuneqarfiga imaluunniit najukkami aviisit/TV/radioluunniit. Tusagassiorfiit tassaapput suliniutinik anguniakkanillu paasissutissiisarfiusut, innuttaasunik paasititsiniaaffiusussat.




KOMMUNEQARFIK
SERMERSOOQ

ILANNGUSSAT 1

Angallanneq pillugu pilersaarut - Immikkoortoq 1: Aqquserngit
aamma aqqusineeqqat, Nuuk





Allaatigisamut ilassut akinik missingiutitalik

Aaqqiissutissatut siunnersuut 1 - Aqqusineq marloqiusamik sammivilimmik pisuinnarnut aqutissalik

- A** Sipisaq Kangillermi aqqusineq (600 m-ip miss.), sanaartornermi pingaarnersiuermi 10 mio. koruunit miss.
- B** Sipisaq Kangilliup eqqaani kaajallattariamiit kaajallattariap Nerngallaata tungaanut aqqusineq (1100 m missaaniippoq), sanaartornermi pingaarnersiuermi 2 x 15 mio. koruunit miss..
- C** Sipisaq Kangillermi aamma Nerngallaani ikaarfissat, pisuinnarnut ikaarfissaliorneq missiliorlugu akia 5 mio. koruunit miss.

Aaqqiissutissatut siunnersuut 2 - Aqqusineq ataasiinnarmik ingerlaarfigineqarsinnaasumik aqqusi-neerartalik.

- D** Sipisaq Kangillermi aqqusineq (600 m miss.), sanaartugassatut pingaarnersiugaq 20 mio. kr. miss.
- E** Sipisaq Kangillermi Kaajallattarfimmiit Nerngallaata tungaani kaajallattarfimmut aqqusineq (1100 m miss.), sanaartugassatut pingaarnersiugaq 2 x 20 mio. kr. miss.
- F** Kaajallattarfik, Sipisaq Kangilleq aamma 400-rtalik, sanaartugassatut pingaarnersiugaq 5 mio. kr. miss.
- G** Kaajallattarfik, Qernertunnguanut aamma Nerngallaa, sanaartugassatut pingaarnersiugaq 5 mio. kr. miss.

Aaqqiissutissatut siunnersuut pisuinnaat ikaartarfiinik peqarsinnaavoq sanaartugassatut pingaarnersiugaq 5 mio. kr. miss.

Aaqqiissutissatut siunnersuut 3

- I** H. J. Rinksvejimi, Sipisaq Kangillermi aamma Quassunnguami kaajallattarfik

Aaqqiissutissatut siunnersuut 4

- J** Aqqusinersuarmi kaajallattarfimmiit 400-rtalimmi kaajallattarfimmiit H. J. Rinksvejip eqqaani t-krydsip eqqaaniittup tungaanut ataasiinnarmik aqquteeraliinnikkut aqqusinermit 1.000 m-it missaannik alliliineq.

Aaqqiissutissatut siunnersuut 5

- K** Aqqusineq 250 m-it missaannik takissuseq allillugu ataasiinnarmik aqquteeralik, Aqqusinersuup aamma Sanamut Aqqut (SANA) akornanni.

Allagartalersuinissamut assigiimmik najoqqutassaqarneq

Aaqqiissutissatut siunnersuut 6

Majuartarfeqarfiit qanoq innerinik naliliineq
500.000 kr. miss.

ILANNGUSSAT 2

Angallanneq pillugu pilersaarut - Immikkoortoq 1: Aqquserngit
aamma aqqusineqqat, Nuuk




Pingaarnersiukkanut allattorsimaffik

Nassuiaammi eqqumaffigisassat allattorsimaffiat, suliniutillu tulleriiaarnissaat malillugit gruppikkaarlugit agguataarnerat. Matumani pilersaarut akuerineqarpat, aalajangersimasumik aaqqiissutissat tulleriiaarinissamullu allattorsimaffik tunngavigalugu akigititassatut siunnersuutit ilanngullugit iliuusissatut pilersaarusiortoqassaaq.

PINGAARNERSIUKKANUT ALLATTORSIMAFFIK // A
 Igangsættes 2023/2024

-  L // AQQUSINEQ
-  M // SUMIIFFIK
-  S // IMMIKKOORTOQ
-  issiavimmut
siunnersuut



AQQUSINEQ

- 6 Sarfaanguit
- 7 Qernertunnguit
- 14 Kissarneqqortuunnguaq
- 18 Sullorsuaq
- M2.8 + M5.1 SANA / Dronning Ingrid's vej
- M5.3 Sumiiffimmi pinngortitaleriffiup / Ilimmarfiup eqqaanniittumi aqqusineeraq.
- M6 Quassunnguaq
- majuartarfiit* Tikiusaaq
- Blok 2-10

SUMIIFFIK


- (4.1) Nuniaffik (*suliniummut qinnuteqartarneq*)
- 16 Samuel Kleinsmidt Aqq.

IMMIKKOORTOQ

- 6 Sarfaanguit

PINGAARNERSIUKKANUT ALLATTORSIMAFFIK // B
Igangsættes 2025/2026

-  L // AQQUSINEQ
-  M // SUMIIFFIK
-  S // IMMIKKOORTOQ
-  issiavimmut
siunnersuut



AQQUSINEQ

- M2.5 Kuussuaq - Nuuk Centerimiit Brugsenip tungaanut aqquteeraq
- M2.9 Svend Jungep Aqputaa - soqannginnersaq qangali atuuttoq
- M3.0 Nuukullak
H J Rinks vej / Kussuaq

SUMIIFFIK


- 13 Svend Jungep aqqusernaniit Kujallerpaanut sangusariaq
- M2.6 Eqalinnguit Tasia
- M2.7 Aqqusinersuaq / J. Kreutzmannip Aqq. / Ceresvej

IMMIKKOORTOQ

- 2 Deres Tank
- 5 Sarfaannguniit sikkilertut 400-meter vejimut talerpimmut sangusut
- M2.4 Aqquserngit naapiffiat Kuussuaq / Aqqusinersuaq & atuarfik nutaaq
- M5.2 Nuniaffik

PINGAARNERSIUKKANUT ALLATTORSIMAFFIK // C
Igangsættes 2027/2028

-  L // AQQUSINEQ
-  M // SUMIIFFIK
-  S // IMMIKKOORTOQ
-  issiavimmut
siunnersuut



AQQUSINEQ

- 1 Qernertunnguit
- 3 Qatserisut
- 4.2 Stanislav
- 4.3 Mangua
- 4.5 Sineriak sinerlugu aqqusineeraq
- 9 Asiarpaap kaajallattariaaniit Brugseni tikitsinnagu kaajallattariamut
- 10 Qarsumiit Qungulermut imaluunniit Tikiusaamut sikkilinut/pisuinnarnut aqut
- 11 *Kimmernat til C.E. Janssensvej*
- M7.1 Manguaraq
- M8.1 Manguaraq, Qattaaq, Natsiaq
Niels Hammekenip Aqq.

SUMIIFFIK

- 19 Qapiarfiusaaq / Radiofjeldet.
- M2.2 H J Rinks Vej, Inspektørbakken, Nuuk Center

IMMIKKOORTOQ

- 8 Dr. Ingridsvvej / Egmontgård
- M2.1 H J Rinks Vej
- M2.3 Aqqusinersuaq / H J Rinks Vej